



虞山錢玉友著

撫雲集

招隱堂藏板



撫雲集

撫雲集序

家姪孫木菴爲近代詩人之冠其集曰撫雲曩  
曾許爲之序夫古人之詩有無序者其詩不待  
序而傳也左思三都賦成自以其時名不甚著  
故乞序於皇甫氏木菴業以詩遊公卿而王長  
其間無序可也蓋序者敘所以作之旨也一人  
叙之或義有未盡又一人續敘之是爲後序多  
爲之序重複其詞非體也木菴以詩遊公卿先  
我作者多矣予又不叙可也夫是以許爲之序



而又三年淹也乃木菴書來曰惟先生知我學  
所從來更不乞第二人作序責舊許甚牢予惟  
乃祖嗣隆先兄挈予同學於顧仲恭先生指示  
讀書之法先經後史下逮諸子百家源流井井  
當是時木菴坐祖膝上挽鬚問字比入外塾則  
已闡發指示語說詩解頤論易折角矣忽忽四  
十餘年乃祖棄予輩遊岱木菴弱冠走京師辟  
爲王官師傅公御延佇上座才益奇名日益噪  
大吏出使海外請與偕往颿風箭激漫瀾粘天

常一日蹕數千里魚龍之所撞突隴淑之所滌  
迴顧益自喜以謂軟紅塵空須此一畚擺蕩也  
又同朝貴使塞外絕域盾背磨墨日次記其遊  
歷間關多博望元奘耶律楚材所未到而題咏  
附焉直北去雲中界五千里下馬拾文石鐵鏽  
羅紋如海南香樹根歸持贈予充怪石供猶記  
土官譯其地曰拏喇克帶搜疾不喇也其弔詭  
放意如此三十年間自平原省會以外足跡幾  
徧天下然訖無所遇合木菴無幾微不自得讀

書痛飲酒以昌其詩其詩之昌惟其作之之旨  
昌也昔予與乃祖問詩於顧先生先生曰詩從  
讀經史中出者上也從讀賦中出者次也從讀  
詩中出斯下矣吾不能詩尤不能時人之詩詩  
有作之旨經所謂溫柔敦厚者是已若時人之  
詩今在君家宮保之門當是時遊於宮保之門  
依以揚聲者以天治爲溫柔以堆砌爲敦厚木  
菴發軔不無染指其間其後思顧先生語悟遂  
進而求之韓杜更進而求之風騷漢魏陶謝更

進而求之左國馬班涵泳濂洛關閩之學尤好  
南華楞嚴而悉以供其詩此其作之之旨也詩  
多至萬餘首所見進輒自焚之其存者百之一  
二耳木菴又言餘年暇日空山獨往不惟其詩  
且以學佛老矣用是益爲其詩助喜宮保之詩  
所謂時人倚以揚聲者桐城飲光兄獨惜其一  
生不識詩家有悟入一路蓋不知苦吟故亦不  
知有苦吟後之所得思惟路絕忽有觸而自然  
呈禪家所謂絕後再甦者非悟乎杜云語不驚

人死不休韓云文如翻水成初不用意為皆是  
物也木菴空山學佛時思吾言更進一解以印  
之康熙乙亥夏四月浴佛日叔祖陸燦序時年  
八十有四

二月木菴人言翰平觀日空山  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

撫雲集目錄

卷一 古今體詩六十四首

卷二 擬古樂府詩四十九首

卷三 古今體詩四十六首

卷四 古今體詩四十一首

卷五 古今體詩四十八首

卷六 古今體詩四十一首

卷七 古今體詩四十八首

卷八 古今體詩四十八首

卷五 古今體詩四十八首

古今體詩六十一首

卷六 古今體詩四十一首

古今體詩四十八首

卷七 古今體詩四十六首

古今體詩四十二首

卷八 古今體詩四十八首

古今體詩六十四首

卷九 雜詩

古今體詩八十六首

卷十

詠史詩一百首 遺失

蘇東坡詩集目錄

撫雲集目錄

古今雜詩一百首

古今雜詩八十六首

撫雲集卷一 詩三百首 國詩悉照毛寶之本

虞山重錢良擇心木菴

擬古樂府詩 并序 凡此不嫌少身憂中

樂府之亡久矣太原郭茂倩樂府詩集蒐羅極備體裁之可考者盡此矣漢惠時夏侯寬為樂府令因以名官至武帝以李延年為協律都尉詔司馬相如等賦詩合樂始有樂府之名自漢以迄唐五代凡樂皆詩也然曹子建陸士衡樂府當時號為乖調魏晉宋齊郊廟等歌辭樂工



增損本文以諸節奏多聲牙不可曉解元相微  
之亦謂木蘭仲卿四愁七哀未必盡播管弦則  
是凡樂皆詩而凡詩不皆合樂故詩與樂府分  
而爲二唐史臣吳兢中睿間人也撰樂府古題  
要解二卷傳其解不傳其詩至于郭氏所載郊  
廟燕射歌辭乃朝廷承祭祀饗賓客所用詩人  
不可無故擬作其題皆吳氏所不載也長慶中  
微之病沿襲古題唱和重複不如少陵哀江頭  
等作即事名篇空所依傍與白樂天李公垂輩

共擬之所謂新題新義皆詠時事也於是古樂  
府與新樂府又分爲二自時厥後凡用吳氏所  
載者謂之古題用古題而不本古義者謂之古  
題新意其直詠時事者謂之新題延至五季猶  
有作者至於宋而樂府亡非樂亡樂變而詩亡  
也歷代以詩爲樂即詩人未必能歌而多通音  
律故一詩出而傳播伶人之口世變日新愈趨  
愈下唐之世古調化爲今體而樂因之宋之世  
今體詩化爲詞而樂又因之詞者詩之餘也詞

化而曲又詞之靡也宋以詞爲樂金以北曲爲樂元以南曲爲樂前明至今南北曲並用又有北人之小曲南人之吳歌皆樂也而未有復用詩者樂既不用詩則詩皆不合樂宋以後詩人所爲樂府皆不可以聲求之矣近代作者不考古題新題古義新義之辨各以臆見行之如李茶陵樂府文則竒矣吾里詩老馮班定遠謂其既不諧於金石又不用古題又不詠時事直是有韻之史論謂之詠史詩則可豈可謂之樂府

乎李于鱗擬樂府取樂志所載章截而句摘之不待有識者而後知其謬也夫古題隨事寄託猶三百篇之賦比興也最初創始之作其事云何因以爲古題其旨云何因以爲古義當時倣之作者即已各出已見不相雷同乃於千百年之後踐迹而摹其影響是亦不可以已乎鍾伯敬謂樂府某篇似詩詩某句似樂府令人絕倒不足與辨矣至於今人以新題新義爲樂府其不可有二一者唐人新樂府無不可歌者白傅

七德舞諸篇自言篇無定向句無定字皆可播  
於歌今人不傳歌法豈可直詠時事而謂之樂  
府乎二者唐人新樂府皆詠時事今若詠時事  
而美刺顯然非庶人不議之義也庶幾用古題  
出新意雖音節無稽而體裁近似如劉文成高  
太史所作誰得而議之病榻無事漫擬數十章  
後之君子其有以教我

長歌行  
高天覆圓蓋厚地持平臺造化不憚煩一氣勤

推排日月奉律令刻期交往回萬有類充塞翕  
然起喧逐新花繼枯木喜雨雜怒雷龜鶴傲蜉  
蝣麒麟悲虎豺得糝羣蟻樂失龍大鵬哀人亦  
於其中隨之長嬰孩觸體彼化土蒲曇此凝胎  
義軒若不死鬚髮當皚皚况止百年耳擾擾胡  
爲哉無何有真鄉長歌歸去來

短歌行  
有花如錦有月如霜有酒如澗有客滿堂舉酒  
屬客一舉十觴聽我短歌調短聲長古今同盡

備巧侯王如其不盡苦樂無疆天公妙用變化  
靡常迭以欣厭熱彼中腸事往思之大夢茫茫  
快哉此夕盡意猖狂如求可久日出西方

駕飛龍考維鏞烽火息道路通蕭關五時莽蒼  
中制度狹小嗤元封四海爲家好山水烟霞處  
處皆離宮登之采探禹穴折殘春夏秋冬花踏  
遍東西南北月

婕妤

合歡扇明月團團掩嬌面送盡輕風九夏涼未  
離君手君心變秋菊春蘭一時好穠華那得終  
身保長信淒其失寵人都忘當日承恩早紅樓  
儘有傾城客蛾眉未掃雲鬢白

門有車馬客行

門有車馬客云從故鄉來款洽展舊好問訊生  
新哀里閑少居人同心樂塵埃無人延郭隗叢  
集黃金臺迴頭青山遠仰面朱門開相戒問歸  
期思家念成灰借棲究無枝遶樹空徘徊窮途

成分內此豈人情哉  
南山風急白額吼四出食人不食獸人日少虎  
日多往往晝入城不聞夜渡河到處田疇印虎  
跡血肉縱橫虎仍瘠咄嗟猛虎可懼哉將見收  
牙斂爪復化為牛哀

飲馬長城窟行

飲馬長城窟水寒冰正堅馬渴競蹴冰蹄滑不  
能前塞垣少爭戰萬里無烽煙歸之華山陽人

馬同息肩息肩豈不樂講武當遊田不如戒圍  
人縱橫牧民間計口督耕夫朝暮汲井泉

野田黃雀行

黃雀畏鷄不畏羅鷄不如羅得雀多鷄以強凌  
弱匿影蓬蒿不能索羅以逸待勞周遭密布無  
所逃欲覓無羅野田宿野田無羅又無粟

戰城南

戰城南陣雲深白刃浴赤血頭斷不可尋成功  
姑勿論殺人殊快心鼓鼙雷動全師勝殘敵魂

褫不能勁何須濶劍與長槍將軍用兵有天幸

巫山高

神女來王不往夢見爲真覺爲妄楚國君臣枕  
席同定情恍惚虛無中巫山高巫峽險泯滅到  
今疑陽臺在指點若使巫娥可求取世間何處  
無雲雨四海千山復萬山一山選一如花女

將進酒

將進酒酒須酤金盤露椒花雨和太甘勁太苦  
苦難嘗甘易與易與人同嗜難嘗人莫取若以

勁雜和信與噲等伍知味今無醉鄉主

君馬黃

君馬黃我馬白二馬分馳不同跡躡電追風永  
相失一馬隨穆王銀鞍繡襜萬里流沙長一馬  
伴支邈吸泉嘶月舉世忘神駿

有所思

所思不可見可見可不思茫茫六極饒路岐美  
人安在安能知移高山塞深水壙嶺大道平於  
砥乘莽渺御鴻蒙圓蓋狹隘如壺中我所思兮

有時見青銅鏡裏芙蓉面

折楊柳

行人折楊柳行行向何處處處捲東風天生別  
離樹掛月武昌門飛雪隋堤路只許柴桑人攀  
條賦歸去

雉子斑

澤雉不登木于飛鳴角角野處無所求十步偶  
一啄錦翼開張五色絢出沒平蕪有人見文章  
未上舜衣裳潛機且避如臯箭爾既耿介誰爾

容去化為蜃蜃化龍改頭換面翔空濛

臨高臺

高臺高百尺俯瞰連雲萬家室不分闕闕與閭  
閻曉暮爨烟籠樹色室中各有乳下兒漸壯漸  
老無停時遠不待百年物是人盡非臨高臺我  
心悲京西臺於於臺臺南對對於臺臺自臺

關山月

空閨照獨眠即此關山月關山苦征戰都忘幾  
圓缺秋至商氣新中天駐冰輪清光一萬里百

萬別離人笳鳴殺聲動戰血迎涼凍新鬼趁清  
光齊赴空閨夢北關山月關山苦并輝

梅花落

笛聲哀近邊城作蓬婆滴博梅花落邊城自古  
無梅花清角吹春到沙漠江南盡并梅花鄉遮  
山映水花茫茫一白數十里天地皆寒香寒香  
一夜飛狼籍風勁南枝不能敵惆悵落梅花都  
是邊城笛

公去山篳篥引

公無渡河公竟渡津卒驚看不知故公先妻後  
齊捐生麗玉寫出篳篥聲公渡河蛾赴火水火  
等殺身爭趨一何果忘死人心類此不吁嗟麗  
玉好來中國彈篳篥

烏生八九子

烏生八九子子又生烏生不已穎川使者露餐  
時烏攫其肉太守知太守知烏已飽太守能治  
民不能治烏剪其爪郵亭側大道邊肉無多烏  
蔽天



陌上桑

彈箏歌陌上桑秦女決絕邯鄲王女能貞王能  
賢王豈無勢凌嬋娟身雖免事已危何苦漏洩  
春光爲掩爾戶藏爾身絕艷天下無留人人一  
去無歸時提筐誰復憂蠶飢

從軍五更轉

一更角聲歇連營燈火滅人靜月漸高萬帳白  
堆雪  
二更人睡熟刁斗聲續續中軍猶未眠置酒吹

橫竹

三更月中天碧落寒無煙毳幕漏清光直下射  
枕邊

四更笳聲動驚斷還鄉夢頰面爭汲泉舉石敲  
冰凍

五更蓐食旣千蹄雷殷地朦朧望前岡黑點似  
敵騎

燕歌行

燕山霧結鬢鬆花燕姬長眉鬢臙沙龍腦裊篆

穿牕紗織手呵凍彈琵琶曲終無語羞鄰娃鄰  
娃夫婿征褒斜三年轉戰逾三巴彎弧突陣殺  
五犯有功不惜歸期賒兩身雖遠心無他賤妾  
粃粃等無家良人何在遊挾邪意憎貞靜憐簾  
華別離咫尺同天涯妝成祇博閒人誇棄捐雖  
苦無怨嗟白頭吟亦瑜之瑕嚴城鼉鼓方三搗  
拜月不拜金蝦蟇

讀曲歌三首

歌太苦完完白玉盤盡入蝦蟇肚

洛陽產牡丹揚州產瓊花濃春無老景相繼化  
彤霞

凌波洛水神人舊定情新但愛能留枕不知已  
是夢中身

豫章行

苦相身為女顧盼畏避多所志在取憐妙學舞  
與歌稍稍近君前宛轉巧笑嗟君尊若明神屏  
息伺噓呵幸得沐寵愛羣釵添綺羅又將蠱惑  
罪羅織歸修蛾不如背君去奔月為嫦娥廣寒

非不樂孤另當如何

子夜四時歌

鐵作梅樹枝冰作梅花片冰鐵遇春溫歡心冷  
難變

儂住耶溪上歡住橫塘邊水清清徹底非藕莫  
求蓮

滿月印平池風掠波文皺注目看團圓終宵不  
成就

儂心似寒雞夜半便疑旦呵手摸薰爐無火惟

餘炭

烏夜啼

白策烏性慈因以慈為號反哺能慈亦能孝能  
慈能孝又能仁官家欲赦烏先報雄雉好文章  
鸚鵡舌如簧飛飛向阿閣爭先朝鳳皇烏栖無  
樹飢無食鷹隼一擊烏翅傷烏翅傷翅流血霜  
天夜夜啼明月安得爾生三足飛直上扶桑隨  
鬱儀

行路難十一首

行路難十一首

君不見有窮后崇朝箭落陽烏九又不見譚大  
夫作詩告病尤箕斗日星無事掛高天謠詠傷  
戕無不有白榆曉入靈靈藏紅輪晚下崦嵫走  
嗔者尚鬱弧怨者猶昂首何況差肩疊足場射  
影鑠金紛手口行路難君知否  
徐福峭帆東海東神山三朶青芙蓉張騫取道  
西陲西尋幢度索緣天梯幽都冰雪明都火寒  
則重裘暑則裸六合之外皆人居來往逍遙無  
不可御風即未習是處饒車船不然章亥亦人

耳胡乃平步無踣顛長安大道平如砥一蹶梁  
王馬前死

煌煌閭闔中天開攀龍附鳳屯雲來董賈握齟  
何足道摩霄直上皆竒才入薇省出蘭臺蜚聲  
馳譽彌九垓九垓之人仰頭望飛仙作隊遶蓬  
萊茅屋老生愚不曉細檢孟堅人物表  
玉卮浮沆瀣翠釜烹麒麟朱門晝啓絲竹動珠  
履雜還來嘉賓入座人一心顧盼忘其身主人  
固無意顰笑分秋春行樂追歡朝復夕主人恩

重逾金石但願朱門無改易滿堂俱是酬恩客  
綠雲繚繞春山遠芙蓉映水霞光滿驚心眩目  
曉妝成影亦生香聲亦暖承恩此日身占斷萬  
古春妍衰忽逝嬾寵憎非兩人邢尹相傾勢無  
已層樓更上輕千里也知鶴髮只須臾孟光終  
不如西子曾直上一笑把君手偕君遊彼都彼都陸海富玉石善  
賈原不關瑕瑜君智炙轂輶我頑糜株駒自顧  
亦分明人見寧模糊違心飾面藏其醜愛非所

望能哀否先得路者顧而嗔世選連城爾何有  
敝衣那敢言故人願隨屬車奉清塵絕之兼禁  
卞和哭惡其石中真有玉

春光先期到燕臺屠蘇酒熟千花開海棠芍藥  
桃李梅爛漫不用金刀裁焜火助之長擊鼓爲  
之催豪家眷比炎方早炎方尚待東風來天下  
農夫無此術刈禾登麥茫無日  
君不見空倉雀無食空有盜粟名巧丸中之正  
其罪菲薄亦足供煎烹又不見華亭鶴剪翎博

得乘軒寵玄裳。縞袂池館閒。不知原是凌霄種。  
雀微死一瞬。鶴貴留多年。各有故鄉歸不得。蓬  
蒿之下。江湖邊。鶴無文彩。雀無肉。當免樊籠彈  
射。酷  
邯鄲歌者。織晉身長。看高髻。驚有神。千金纏頭  
等閒事。五陵無患。秦無人。雲軒蘭棹。惟所致。花  
無開落。長穠春。嬌鶯雛。燕或化。鳳一笑。能使門  
楣新。恭姬孝婦。良自苦。潔身而死。終何補。  
高架紅薔薇。條蔓狼籍。同荆榛。惜其發。生理其

亂銛芒。銳刺潛傷人。春園釀蜜蜂。紛紛來往求  
花朶。憫其辛苦。護其房。撲面迎頭。爭毒我。爾以  
怨報德。我以仁名。災袖手觀之。乃知戒味甘色  
豔可畏哉。

唐虞迄今四千載。閉目思之。了然在欲考陳迹。  
臚詩書。賦名六合。真大愚。然而時異人亦異。終  
古不聞行路易。前橫大行後。呂梁去之。何必無  
康莊。無何之鄉。歸路直縱橫。萬里無荆棘。

蓮花深復深。不辨蓮舟女。如何萬朶中。一朶偏能語。

崑崙月窟西。復西地軸已盡天。傾歌豁然直出。不可以里計。空明一片鋪瑠璃。縱無南極與北極。橫無昧谷與嵎夷。高無山巒深。無海戴無星斗。履無泥。無城無郭。不畫封疆。與郡國不衣不食。不飲無渴無寒。飢中有主者。曰文康青瞳綠髮長鬚。省不言不笑。不少不老不生。死無思無慮。無喜無怒。無歡悲。珊瑚作樹柯。葉葱蒨。萬里長文康凝然。跌坐其下。莫知幾何時。盤古開闢初。斷鼇奠四維。九九八十一九州。文康謂是嬰兒。捏土排圍。碁日月轉雙輪。光輝徹崇卑。金烏玉兔。遁出沒。文康謂是卵殼。螢火盤旋飛。三皇五帝。大聖人制禮作樂。修倫彞。後王繼起。千百世。文康謂是蜜蜂演習。排衙儀軒轅。呂尚創戎事。起剪頗牧。稱神奇。伏屍流血。動千里。文康謂是螻蟻布陣。爭蟲尸。彭錢殤子。異修短。文康謂

無雲集卷一  
七

是蜉蝣朝暮生參差男婚女嫁育子孫文康謂  
是花閒蛺蝶分雄雌海枯焦若釜山崩碎若糜  
文康不驚不懼亦不疑兒女密室中貼耳語  
伊文康不聞不見無不知有人謗文康迂誕徒  
我欺文康不嗔亦不辨蚤鳴蛤吠用作相娛嬉  
有人慕文康夢想或見之文康不即亦不離黃  
埃黑霧之中處處常相隨龍如蚓兮虎如狸麟  
如狗兮鳳如雞蟠桃磊磊掌上果若木矗矗瓶  
中枝靈香漠漠披拂白旃檀卿雲冉冉匿巾紅

臙脂踏霹靂兮跨虹霓虛明空濶文康任意爲  
遊戲嗟世之人兮胡不褰裳拂袖踴躍從之歸

撫雲集卷一



撫雲集卷二

虞山 錢良擇 木菴

鄧尉山看梅作

正月霜威五更歇  
枝南枝北紅椒裂  
東風著力送春溫  
吹作千山萬山雪  
我來躡屐尋孤芳  
穿雲還恐花深藏  
路轉峯迴昧所嚮  
周遭素影連湖光  
湖光浸花花可采  
水底平添花一倍  
眼眩神迷惱欲狂  
茫茫人立梅花海  
夕陽欲落嵐烟重  
朦朧似入師雄夢  
恍驚我亦變梅花  
布袍黯

默寒香動從遊有客善吹笛花下席地共浮白  
笛聲未闋落花積曲終測之已深尺

寄友人索畫

王子工詩復工畫我不能畫能知詩以我詩意  
乞君畫為君分別詳言之我詩慕沈雄俎豆子  
美兼昌黎請以杜韓筆畫作千巖萬壑烟霧紛  
迷離我詩愛閑澹彭澤右丞我所師請以陶王  
句畫作澄波細浪百頃清漣漪或為險怪李長  
吉幻出老樹崛強拏蛟螭或為寒峭孟東野添

成昏鴉幾點蹲枯枝毋為齊梁靡艷體塗抹粉  
黛堆胭脂毋為韋許平熟調踈花穉木徒紛披  
諸家用筆各一道兼撮其妙原無岐如蠶採花  
釀作蜜色香融化痕滓無留遺此中真味乃盈  
溢別開生面如出天巧非人為詩人之旨苟神  
會畫家之法或有不備此非吾所知

秋夜作

落葉走撼撼怨蛩語唧唧寒風滅我燈瞬目乾  
坤黑茫然觸愁端瞑坐長太息太息七尺軀俯

仰何偏側辛勤到衾影憂虞在衣食隋地生非  
時捫天遠難即獲捷耗真性顧盼有疑色嗚呼  
欲何求求將欲何得勞勞撮虛空萬古同一惑  
爲世所莫爲最哉盡吾力

寄確公二首

確菴和尚說法三峯予素未識面春  
日醉遊山閒師方立寺門指揮匠人  
斲木予見之不爲禮而坐師問知姓  
字舉手曰是詩人錢子邪願聞新咏

予方目送遊女厭師擾已遂高吟豔  
詞數首欲故穢之也不爲禮而行師  
謂其徒曰嗟乎此子根性大利安得  
肯出家或聞之趨告予傳以爲笑師  
去旣久始感師知己而慙已之負師

賦此寄之

蕩子離家歲月深轉頭誰認舊園林好花燒眼  
方牽夢綺語凌人忽見心截鶴續鳧難強變放  
猿狂象已成禽近來更得翻新句欲對吾師子

細吟  
垂袖開懷惡少年  
憐花還復望花憐  
孱軀病重翻憎藥  
長夜魂凝不怕眠  
絲亂只應拚盡斬  
馬疲須乞痛加鞭  
玉谿巾拂當酬願  
肯學楊朱只泣然

遠邨燈火

暝色四山合  
烟光滄林起  
一點何處明  
低壓矮檐底  
乍搖出疎籬  
忽閃入流水  
歸人誤欲投  
凝睇柴門裏

七星檜

道裕築壇按七星  
植檜其上拱太清  
質堅根固地力足  
蒼皮翠鬣垂千齡  
或聞夜作瘦蛟鳴  
或見晝被雷斧轟  
四樹先亡三樹在  
吾猶及見其縱橫  
南東二樹大風拔  
東北一樹孤崢嶸  
龍鱗剝落爪牙出  
偃如搏攫欹如擎  
其長百尺圍合抱  
仰觀當應瑤光精  
虬枝已易十三姓  
颺風劫火留餘生  
屹然勁骨竟不朽  
不知人間桃李幾度爭浮榮

潮聲十二韻

海若矜空闊。乘秋意氣雄。勢騰鼉極外。響沸若  
華東。旬。礚。乍。奔。突。砰。轟。急。戰。攻。望。洋。人。失。靜。發  
難。客。愁。聾。猛。馬。蹄。衝。陣。枯。林。木。嘯。風。鞭。雷。搜。鱷  
窟。伐。鼓。破。蛟。宮。山。震。盤。根。動。江。鳴。去。路。窮。疊。來  
何。洶。洶。忽。散。尚。齶。齶。喧。寂。三。時。信。呼。號。一。怒。功  
先。聲。奪。強。弩。餘。勇。讐。孤。蓬。溟。渤。長。吁。急。乾。坤。斲  
睡。同。不。平。俄。傾。息。萬。籟。索。然。中。

僧寮卧病口占

日白雲黃欲暮天。已無多贖此殘年。病如檐雪  
消難盡。愁似池冰結愈堅。斬愛力窮翻入夢。鍊  
詩心豁猛通禪。老僧大有中山釀。乞取深卮療  
不眠。

觀小妓娟娟舞劍作

蛾眉有英雄。晚粧脂粉薄。短鬢白衣裳。窄袖錦  
纏縛。背人繫湘裙。端捧蓮花鐸。請爲大娘舞。佐  
此良宵樂。取筆漬硯池。授客使分捉。舞急各蘸  
灑。客漫應曰諾。小立默無言。左右試展拓。微卓

蠻。鞞。尖。撒。手。忽。然。作。初。如。雙。玉。龍。盤。空。鬪。掣。攫。  
漸。如。曳。匹。練。旋。繞。紛。交。錯。須。臾。不。見。人。一。片。寒。  
光。爍。直。上。驚。猿。騰。橫。來。輕。燕。掠。飛。霜。青。娥。狂。劃。  
電。玉。女。惡。胆。落。迂。儒。愁。傾。心。壯。士。怍。羸。童。縮。而。  
遜。姦。人。戰。欲。瘡。灑。墨。密。雨。叢。筆。敗。硯。池。涸。罷。舞。  
視。其。身。點。墨。不。能。著。媯。然。泥。人。懷。腰。肢。瘦。如。削。

雁字六韻

滄江天末見。疎密寫清秋。隊整分行過。飛高取  
勢收。斜成人。遠去直作一橫留。失侶孤懸點。迴

書空二句精切

羣。猛。下。鈎。書。空。雲。易。葉。印。影。洛。呈。疇。莫。笑。頻。年。  
客。文。章。布。九。州。

毘陵阻風

情癡終古代人愁。此日顛風信石尤。到底不能  
迴客棹。願君相送莫相留。

金山

萬里江流盡危峯。勢獨尊迴狂饒。勁力據險奈  
孤根。蟲摧分天柱。嶒嶸擅海門。蛟龍試雷雨。吾  
欲看騰騫。

水木濕露筋祠

血盡皮安附肌殘遂露筋露筋心亦露拒暴不  
讐蚊

漂母祠

一飯相遺亦偶然易哀而怒此堪傳千金中尉  
酬恩怨漂母何殊惡少年

渡河

礮車湧怪雲陽侯怒方赫飄飄舴艋舟若從半  
天擲危于颭空鳶輕于退飛鷓吁嗟此微軀性

命爭咫尺舉手謝陽侯胡為苦相阨吾無右軍  
書吾無澹臺璧詩骨飽饒龍暴殄亦可惜請趁  
焚輪風去訪支機石

嶧縣道中

人走平沙雁一行秋原膾膾愛斜陽滄浪烟水  
新商氣鳧嶧雲山舊魯荒倚戶女傳繅繭法透  
林風遞剝椒香吳儂遊學新聞見懷古無心憶  
故鄉

亞聖廟

鼎。鼎。豐。碑。古。虬。龍。翠。柏。秋。儀。容。幸。瞻。代。警。效。想。

居。鄒。軌。物。傳。彝。鼎。冠。裳。見。冕。旒。慈。幃。猶。逮。養。傍祀孟母

利。國。儼。從。遊。利國侯樂正子從祀井。廢。苔。生。碣。道傍立石曰滕文公行井田處塋。

低。草。蔽。丘。孟墓規模甚小統。亡。韓。愈。歎。旨。失。趙。岐。憂。陷。溺。

吾。生。恨。鑽。踰。此。日。謀。慨。然。千。載。上。寂。莫。禹。功。留。

闕里

泥。首。崇。階。下。何。能。吐。一。辭。却。因。入。廟。日。迴。憶。抱。

書。時。古。榦。摩。庭。檜。神。莖。拜。墓。著。有。知。輸。草。木。猶。

得。被。榮。滋。

蘆溝曉發

千。尺。輿。梁。集。五。方。砢。礪。曉。沸。萬。蹄。霜。承。平。世。喜。

馳。驅。易。畊。鑿。人。趨。富。貴。忙。水。涸。桑。乾。沙。見。底。塵。

濃。柳。巷。日。攷。光。騎。驢。我。怯。爭。先。進。獨。對。西。山。數。

雁。行。

歲暮燕臺雜感四首

九。陌。紅。塵。凍。不。飛。客。窗。冰。雪。過。從。稀。笙。歌。聲。外。

狙。長。鉞。金。紫。叢。邊。虱。布。衣。白。屋。曉。寒。王。詡。卧。朱。

門。宵。閉。孟。郊。歸。孤。燈。無。味。身。無。託。搔。首。捫。心。勘。



是非

杜宇無聲泣曉霜。煤山松柏黯蒼蒼。股肱鄭五  
收鷹犬。草澤朱三縱虎狼。金母攀顙留碧血。玉  
真劈臂委瑤芳。時清劇幸吾生晚。不見長平舊  
戰場。

欲借東風未有期。愁生憑仗酒醫治。景陽鐘咽  
聽無準。太液冰堅履不疑。半壁琴書和影凍。萬  
家簾幙護香垂。梳粧臺上高寒月。六百年前見  
畫眉。

入時敗種首迂愚。豈但疎狂忌酒徒。獻策有心  
須合罅。養廉無術且呼盧。念奴及第諸郎拜。旛  
綽登筵貴客趨。爲問西川陳伯玉。碎琴何似學  
吹竽。

旅舍卧疾合泥龔宗伯贈裘賦謝

塞鼠白於銀。爲裘暖病身。曉吟風減力。夜醉月  
生春。布褐無豪習。乾坤有凍人。百金驚拜賜。跋  
踏過懸鷄。

陳搏虎

義烏陳儲善搏虎。虎猛遺儲不能武。搏虎之暇  
好讀書。畧通大義。知今古。燕臺相遇。色然駭。勇  
氣迎人。不須鼓。叩其制虎操。何術。微笑謙謙。漸  
傾吐。云虎額白。力千斤。我力半之。以智取。人懼  
其威望。風靡。不懼。戾蟲。何足數。爪牙爭敵。兵刃  
銛。稍避其鋒。殊易與。騰躍擊刺。變隨機。熟能生  
巧。初無苦。今因應。募到京城。始識人。間路險阻。  
力倍我百。智倍千。開口舉足。皆予侮。我能制虎。  
難制人。歸去深山。尋樂土。

盤山

虎鬪龍爭地。傳聞在甲申。橫屍過十萬。喋血止  
經旬。在矣除妖鳥。長風助戰塵。盤山都不記。無  
語插青冥。

怨歌行爲漁陽總戎侍姬作

妾本姑蘇女。幼孤身。姓呂。十二未有家。依兄事  
機杼。兄有密客。茸城來自言。寡嫂饒於財。中男  
生與妾同歲。屬客來往。爲良媒。納徵納采。白金  
百已掃。姑室安粧臺。奉姑作母伴。姑宿海棠留。

結得好

待東風開親串相看慶得地收拾瓊華簪象栉  
黃昏簫管趣登車兄歸妾去無疑忌簫管聲停  
鼓輦作車前擁塞貌貅隊下車猛唱拜將軍驚  
號不管鶯吭碎將軍南面氣如虎故對蛾眉逞  
雄武按劔猙猙選妓師差分等第教歌舞火輪  
羊角九迴腰絃索邊關十番鼓晝夜傳催較短  
長左置鞭箠右刀斧釜魚籠鳥死須臾夢魂何  
暇思鄉土忽然詔下殺將軍盡籍賞口頌功臣  
再生那敢怨飄泊來事漁陽今主人主人仁厚

垂拂拭舞裙歌袖常鮮新吳音十載不到耳乍  
聞君語心酸辛請將血淚侑君醉莫忘行酒纖  
腰身還鄉問訊還報妾妾兄何似當初貧

夷齊廟

相去三千歲衣冠儼若生雙松金鐵幹孤竹草  
萊城中子桃名號殷民有弟兄灤流鑿毛髮似  
得聖人清

上谷謁忠愍楊太常祠

天聽夢夢白日沈憤深那復計刃礎權奸骨朽

人榜鐵

庭跪鐵像五人過者或擊或溺分宜首落以槩貫而植之

忠孝功高帝賜琴

先生

嘗夢大舜授韶樂節奏歿後或聞祠中月夜有琴聲

一死獨完無害氣百僚宜問

不安心優伶歌舞衣冠肖猶使逢場淚滿襟

邯鄲呂翁祠壁間有詩云夢裏公卿四

十秋雖然幻境也風流如今寥落邯

鄲道欲向先生借枕頭不知何人作

也戲反其意題一絕句於後

多事黃梁一夢傳俗人羣起覓神仙各思買得

先生枕夜夜公卿四十年

扁鵲墓

越人生死人人各死生命命生自死之真我原

不病妄以淫貪軀痛此光明性鏡石無所施辜

負醫中聖

西平道中五十韻

自燕祖宋蔡馳驅路三千豫境行欲盡黃茅巨

八埏雉兔乍出没蚊蚋飛蠓蠖馬背望聚落靈

霽嚴市廛即之皆瓦礫壞牆不及肩充塞野藿

薇根盤錦紋輒縱橫千百家十村無一完飢渴

苦莫告忽見騰炊烟老翁古槐因以結屋椽  
編草蓑三面賣酒餅粥饘急就索飲噉入口棘  
我咽徐問殘破由云已四十年我曰四十年生  
齒宜殷繁嬰孩亦長大胡不耕蕪田老翁語客  
坐爲客試備言先朝崇禎末旱蝗滌山川稂莠  
皆曠脩汲井絕浣湔穀盡食鳥獸禽盡食路人  
路人亦絕跡乃各食所親老羸靡孑遺強壯僅  
半存殺運繼之作屠戮過澗瀝賊魁張獻忠豺  
狼遜兇頑破城舉高會名百子昇天縛棚聚兒

童下煽烈火然叫號齊跳擲賊笑口流涎吞嚼  
當脯醢肉坻血流泉次則取婦女分別醜與妍  
醜者雜男伍剗腹舖肺肝妍者褫帟釵髻體立  
滿前淫訖截其首把玩曰可憐尤嗜啖織足號  
爲炙金蓮羣兇習成風市地鋪腥羶四郊無隻  
影拔營乃他遷黔首族類盡化育天失權空桑  
不能孕種姓何從延我本靈璧人貿易汝漢間  
被刃仆陽死賊去幸得全目擊慘毒狀頸創猶  
留瘢亂後到西平羅掘圖饗殮衰耄不能歸賣

漿大道邊客去莫濡遲兼程勉加鞭今明後三日粗糲得亦艱南出武勝關稍可致甘鮮我聞老翁語股弁肌膚瘠飽餐倍酬值跨鞍涕漣漣蒼生何至此三災無後先吾里時給諫作宰民稱賢刀兵饑饉中憂患紛熬煎作詩寄江南惜其辭不傳聊韻老翁語以補給諫篇

給諫名教為脩縣令作寄江南

行予八九歲時曾見之憶其中有句云東鄰有婦纔入釜西鄰吃呼對妻怒銜刀涕泗呼吾子吾不啖爾人啖爾暴兒雖暴亦可憐遂逢腐肉口流涎耄堅婦脆最分別載炙肥白稱豪筵結句云為書此詩寄江南桑土綢繆須努力惜予尚幼不能記其全篇

### 青螺谷

曉出武勝關暮入青螺谷行人逐歸鳥披枝入叢木滄鬱罩濕雲破磔懸飛瀑萬山擁一身無情疊濃綠林罅見燈光急叩松龕宿

### 漢陽

畫閣臨江豔影深楚腰歌舞待黃金偶看佳麗忘離恨忽對波濤有戒心柳暗武昌燈火見雲濃大別夕陽沈孤舟西上還千里聊為鶯花醉

二參

月高

無窮集卷二

蘆深飢虎嗥波駭江豚樂打頭風正狂月高何處泊

岳陽晚眺二首

鯨吞鼉作有無閒委命蓬窗夢亦頑今日泊船高興發岳陽樓上看君山  
城隅窈窕有黃壚少婦留人唱鷓鴣等取好風  
升米信送郎飛過洞庭湖

洞庭湖四十韻

大地如人身洞庭乃其腹吐納時盈虛中空靡

不蓄夏潦飽而張冬涸枵則縮我來梅雨候奔注萬派濁正當全盛勢膨脗瀨氣足遂令欲濟者攢眉面湖宿艤船平沙灘篙師典故熟為言柳神君彈壓龍眷屬是客同里人威靈庇鄉曲吳人罕沈舟今仗客之福啞啞檣上鳥茹素少食肉是乃神君使敬哉慎毋瀆又言清秋夜曾泊君山麓湘君湘夫人蘭旌動蕭蕭依稀鼓瑟聲兼聞香馥郁又言見老父長笛鐵非竹吹作大鵬鳴騰踴鯨鼉哭又言老蚌精黃昏豎片殼

吐出明月珠白毫萬丈燭語雖雜且誕善誰亦  
不俗去住恃其謀何敢加催促平明解纜行布  
帆拽滿幅直搗湖中心四顧何所矚下水上雲  
天岡巒遠匿伏舳艫銜尾來衝波影相續帆同  
風力異前後互遲速篙師據柁樓瞻眺不停目  
大呼風礮到巨靈猛一蹴舟躍鴻毛輕豈覺受  
千斛駭浪湧白頭壁立高於屋卸帆十之五掀  
簸聽所欲堅坐身低昂有類乘黃鵠疾飛四百  
里空濶無碍觸頓見西南山渺茫青簇簇知可

保無虞呼童取醴醪吾聞涉大川以需爲吉卜  
今以躁試險洪濤豈堪浴乃知無懼難守敬尚  
拘束非無宗慤豪其柰馮夷酷旣濟轉寒心暫  
往旋當復

潭州

碧樹暗江臯三湘以漸高烟霞有漁父天地盡

離騷臺廢摩殘碣

城隅有瀟湘八景臺

舟停得凍醪

長沙太守餽桂酒

醉

吟成楚調漂泊不能聚

東下



湘潭早發暮嘉魚千里青峯一瞬無猶惜蒲帆  
賸風力巴陵沽酒泊須臾

江州晚眺

船泊潯陽日未西琵琶亭上檢留題六朝帆影  
飛鷗鷺九派江聲動鼓鞀逐客隱君蹤跡盡戰  
雲歌月古今迷匡廬蒼翠浮空出飽看還嫌面

目低

九江望廬山不甚高蓋山之背也南康望之直插霄漢

鄱陽舟中望廬山作

五老老而尊屹立逞奇峭自恃不騫崩偃僂恣

遠眺頂蘸銀河沐肩擎北斗糴減四洛下英添  
一商山皓周遭轟羣峯兒孫亦非少嚮背各爭  
雄崛起莫相肖勁骨乃畏寒濃雲裏裘帽罡風  
掣之破隱現矍鑠貌開闢迄於今笑年誠已耄  
從地上梯天計程定中道我來兩方急昏黑同  
一罩忽霽見青蒼巖崖向人笑

洪都劉方伯公愚韓叅政燕翼月夜招

閣祖滕王不計年依然欄檻枕江邊金樽檀板

今宵月南浦。西山萬古烟。阿殿列侯歸。欲盡推  
敲。孤客坐方堅。子安不藉長風助。都督新州可  
遂傳。

一草寄內做樂天。蓋向人笑。

去年秋風動。辭家東北走。冬春三寄書。得免浮  
沈不。初夏離京城。兼程到漢口。揚帆過洞庭。南  
謁長沙守信宿。即廻舟所得。惟桂酒。順流渡鄱  
陽。已到南昌久。水陸俱如飛。投托無一偶。然而  
好江山。萬里落我手。南昌兩使君。新交非故友。

居然愛我詩。歎爲必不朽。問遺日無虛。半月意  
彌厚。意厚爲別難。兼亦望升斗。預笑相見期。稍  
比牛女後。吾父亦遠遊。大母垂中壽。至誠奉晨  
昏。毋輕去左右。膝前兩兒女。生甫離襁負。嫩脆  
善護持。不異養蒲柳。無火續炊烟。恃汝爲巧婦。  
所念善病身。力難堪。并白雜夢亂我心。卜之兆  
无咎。慎勿思我悲。勉整飛蓬首。恐汝不知詩。寄  
詩傲白叟。

玉山道中

千里孤鴻。不向雲中。寄書

聚山百里高分水千里瀉發源不可尋但喜行  
平野昨日逆流來明日從流下

撫雲集卷二

撫雲集卷三

虞山 錢良擇

木菴

蕭貞婦詩

乙酉七月兵屠城六千三百冤屍橫閨閣良賤  
俘掠盡有婦慘死全其貞婦死之時吾始生今  
吾告者婦之兄諏詢反覆無謬誤以詩作傳傳  
貞名貞婦許媛適蕭室少通經史工詩律蕭郎  
癡絕不知書既嫁幽憂遂閣筆焚殺烈燄虞山  
來自愁美麗且名災計迂思改男粧走顧盼難

肖方徘徊亂兵突至前揮刃隨蕭首爭先欲犯  
之上下莫措手襦袴密縫牢大罵不絕口擁抱  
無策禦伺隙齧其肘肉落嚼而噴云我豈啖狗  
逼脅力已竭舉刃刺其陰逆上拍刃背剖腹剝  
胸心婦死羣兇亦垂淚駭歎奇節曠古今取腸  
寸截競分佩香勝蘭桂椒檀沈兵去一月餘有  
弟求得姊肌膚凜霜雪瞪目如未死并收蕭骨  
葬同丘婦無臟腑夫無頭頭斷帶髮可不恨臟  
腑則碎完身留吁嗟乎吾聞女爲悅已媚婦無

悅者死無懟倅弱帚釵正氣存拚將一痛驚天  
醉

病起書懷寄呈確公三十韻

卧疾逾三月艱難倅再生換形留髣髴撫骨出  
崢嶸痛定神猶悚痊遲願已盈誠知此身幻其  
奈所親驚嚮恃健如犢新疑飲遜鯨暗衝堤壞  
塹突至礮摧城遠尹冰牀市來囚火甕盛攪胸  
長劍利碎腦洊雷轟勢猛何窮極端多屢變更  
訊醫紛喜懼投劑互輸贏偶鬧嗔兒戲潛啼覘

婦情巫誇言必中婢怨夢難成靜念浮華質都  
從入草萌亡羊等臧穀化蜨判殤彭剛暴狂飈  
捲溫柔細縷縈主忙疲應接魔虐肆縱橫欲避  
追俄及將攻敵預迎另排空闊陣大展寂寥兵  
盡轉貪爲捨全憑讓勝爭睡經終夕穩醒覺四  
肢輕雪霽春初動風調水自清乃諳無病地非  
可有心耕凭几徐徐立循牆冉冉行九秋千瞑  
眩今日一孩嬰危脆殊堪悼康強豈遽亨翻因  
嘗楚酷漸得啓光明鏡垢資磨拭金糝仰煉烹

好捶塗毒鼓永斷種愁莖正命思圓覺忘言慕  
淨名便當拋藥裏來看捧高擎

有僧談狼山事以三韻紀之

渴蟒下飲海飢鮎啖其首鋸牙不可脫蟒奮鮎  
在阜相持一時斃禍皆起于口

甲寅人日作

密雪兼冰積狂雷夾電來火難晶柱折礮擊玉  
山開敬怒因疑瑞祈豐莫識災占天非我事勤  
護草堂梅

觀演武八詠

白蛇劈面來勢急風雨驟遮莫萬人呼吾欲攻  
其後

鐵欄八十斤鋪紋血斑爛試舉恐不易熟視循  
其環

望的各爭巧弛侯皆奏功不須求徹札驚雁畏

虛弓

出水白魚跳弄風胡蝶撲稚子詫寒心將軍快

娛目  
棒

無刃禁不行白挺真利器舞罷擎向空似得德  
山意

鐵鞭

上無鄂侯名握之亦滿把不是珊瑚裝雖長莫

捶馬得對... 有滿... 長... 報身莫

彈

毛盡鳥不死巧與榮祖齊封關差可恃只用一  
丸泥

拳

似從白猿授競鬪踔高饒有通身手還須備

孟勞

春日有感二首

三十年來膺積明無端天末見欖槍豈緣鼉錯

奇。衰。用。何。事。虛。循。抵。扞。萌。地。迴。雁。臣。多。誤。約。雲  
寒。木。帝。亦。無。情。江。干。幸。有。桃。源。在。卧。聽。茅。檐。布

穀聲

甲申覆手甲寅翻狐搯狐埋更莫論摩詰舉輪  
矜。大。力。鼈。靈。窺。樹。借。遊。魂。還。羹。心。侈。無。前。箸。啜  
汁。徒。繁。有。敗。筠。草。莽。杞。憂。何。足。算。綢。繆。聊。復。固  
蓬。門。

雜題十三首

郭忠武甘州詠物詩自惠黑白太著

失詩人忠厚之旨忠厚之旨無他微  
終其詞勿作戟手瞋目態而已或以詠  
物絕句見寄命題甚雜頗有所寄托  
惜其辭不稱因如數賦之  
翠嶺摩霄梁棟材秦官曾拜大夫來石家金谷  
無高樹鑿破銅山買去栽

紙鷲

羽翼非真恃好風可憐操縱在兒童碧霄無碍

終難到只為相牽線易窮

竹夫人

紗幘轉側抱空疎涼爽宜人肉不如究竟無情  
惟逐熱夫君猶道此中虛

蟋蟀

無雄何事兩雌爭益盡彭彭動殺聲莫認滎陽  
劉項鬪勃溪呂戚不平鳴

雁

塞垣風勁氣先寒弱翻排空作字難略似成文



便飛去却教燕雀仰頭看  
鬼車

九首啾啾簇一身往來昏黑轉輕輪載誰直入  
雲霄去可是南齊誦賦人

螭棋

持螯曾誤蔡司徒甲冑雖同欠腹腴不是無腸  
公子類沙頭也許橫行無

刺蝟

曾聞久竹化青寧直節亡來竊疾增鋒鏃滿身

偏縮胸覲覲終日伺東陵

蝸牛

空牆所過篆痕侵蠻觸移封迹可尋莫訝濕生  
能識字字成宜古不宜今

蛺蝶

粉香狼籍好春時栩栩狂魂信所之端為戀花  
心不改纔逃羅扇又蛛絲

橘燈

鏤膜剝瓢火內明團團紅影類瓊瑛木奴易絹

堪千匹休學螢囊代短檠

泥美人

幻出娉婷較畫真  
曉窗休近鏡臺人  
雖無巧笑爭恩寵也  
恐妝成碎汝身

門神

持矛仗鉞太生猙  
屹立終年看送迎  
保護主人安穩卧  
不須防鬼瞰高明

贈張叟

天都壯士陳神槍  
別族避地姓以張  
五十年前

擅絕藝。梨花槍法傳南塘。黃山白虎橫食人。提槍刺虎如割羊。中喉貫項掌托頷。槍出虎背丈二長。從軍殺賊豫楚間。夜奉急檄救信陽。賊渠聞名募生致。縱兵十萬遮八方。自昏達旦戰且走。單騎馳突圍中央。一條銀龍攪血海。鈎鎌雨集無能傷。洞胸裂脰鳥獸散。有賊自稱黑虎王。用矛天下第一手。兩手今日分低昂。千三百槍變法盡。止倒馬法未試嘗。換身佯作滾鞍隋。斜掣白電穿其吭。紅泉噴天頭撞地。黑虎斃等白。

虎。僵。奇。功。莫。錄。大。事。去。遊。世。儼。屋。來。江。鄉。笠。冠。  
窄。袖。新。制。度。屏。不。著。體。浮。屠。裝。皆。城。面。皺。垂。九。  
十。負。暄。終。日。頹。繩。床。偶。聞。坐。客。談。武。事。不。覺。揜。  
袖。神。飛。揚。我。嘗。攜。酒。叩。其。術。巧。以。神。運。非。恃。強。  
因。叟。槍。法。悟。筆。法。會。心。顛。旭。見。大。娘。嗚。呼。壯。士。  
今。衰。矣。天。荒。地。老。人。悲。涼。

有悼

三。十。無。人。爲。掃。着。針。神。長。日。鎖。空。帷。西。風。力。勁。  
飛。霜。急。一。夜。瓊。花。貼。地。萎。

雲。鬢。粉。面。已。成。塵。白。骨。還。灰。烈。燄。新。賸。有。芳。魂。  
燒。不。著。虛。空。可。是。美。人。身。

中。興。始。虎。阜。中。秋。紀。事。林。軍。制。事。空。樓。發。更。十。  
廣。石。子。人。醉。嚴。城。萬。戶。災。嘈。嘈。歌。曲。歇。出。出。叫。  
聲。來。赤。映。冰。輪。熱。香。知。繡。閣。灰。豪。奢。端。召。此。禪。  
竈。不。須。猜。

四幻詩

疑。前。昔。塵。沙。劫。空。空。有。有。無。無。不。不。許。許。許。許。  
滾。滾。人。間。到。處。生。靜。能。堆。積。動。能。輕。蔽。天。濃。逐。

千蹄湧映日圓浮一罇明綺閣香留妝鏡迹金  
堤紅借落花名。虛空究竟原無染。不待靈犀辟  
始清。

留不厭醉夢

暫往旋還似有鄉。醉牽情引亦何常。荒唐休咎  
無端兆。真妄身心一樣忙。意外相逢入歷歷。眼  
中難識路茫茫。百年一枕渾閒事。空數殘更計  
短長。

雲霧徘徊面影

似有而無且惑人。雖非形質本相因。交加萬象  
奇生偶。狡獪三光偽亂真。漸覺模糊移去速。不  
分濃淡印來勻。莫從明暗求蹤跡。閉目看時更  
斬新。

愁

樂亦難銷苦莫論。鎖眉添淚竟朝昏。烟霾孤月  
終宵黑。水沸層波萬古渾。不約可堪繁黨類。欲  
逃其奈此乾坤。觀心試索萌芽處。掘盡情田莫  
見根。

示內二首

已辦黃門淚。秋花忽告祥。桂開旁死魄。蘭吐返生香。內病瀕危孟秋二日庭桂盛開盆中建也識終離別能無望。久長且留癯瘠骨。永日共糟糠。生作黔婁婦。無心厭苦辛。六親憐汝默。千室首吾貧。締絡溫殘臘。壺瓜飽浹旬。秋日斷炊烹瓜辟廬安分好。綺閣彼何人。

哭女

吟就金鑾句。如聞喚我聲。七年三哭女。母亦漸

忘情

過亡友沈秋士墓

墓草猶含綠。攬蓬忍不悲。清寒傲為骨。四十死於詩。縱酒非狂客。參禪近祖師。臨行惟別友。無語及妻兒。秋士疾革賦臨行別友七言律詩八首而逝

荅意

妝罷薰香獨坐時。無言心事素娥知。知君也解忘情好。無奈挑燈見我詩。醉中登拂水巖瀑

錦峯勢開張。中豁窪爲澗。澗衝當陡崖。峭壁削  
南面。雨過天無風。懸瀑垂匹練。風從東西來。左  
右互撇旋。北水直南風。抵抗則飛濺。水急風力  
微。勒之不能轉。風勁水力弱。噴激點四散。風水  
雄相當。兩大乃搏戰。奔流怒而騰。倒捲上天半。  
奇觀宇內無。罕得逢。其便是以山中人。畜眼不  
多見。予將有遠行。同人出郊餞。觴急醉發狂。酒  
助足力健。踴躍登巉巖。莫從亦莫諫。疾走逾劒  
門。竚立空王殿。雲推千里墨。雨集萬條箭。羣壑

沸崩濤。須臾紅日現。恰遇敵水風。呼號逞慄悍。  
奮勇挽長河。百丈凌空灌。天矯掛玉龍。縱橫掣  
金電。璀璨跳珠璣。瓊瓏舞雪霰。忽然映彤霞。亂  
落桃花片。萬態爭飛揚。水盡風不倦。快哉今日  
遊。心蕩昏眸眩。弄巧迴狂瀾。此亦風之變。

撫雲集卷三

撫雲集卷四

虞山 錢良擇 木菴

金閭舟中寄同里故人五十韻

束髮嗜咏詩。身以詩為骨。放眼照千秋。鉢心搜  
 萬物。琢句春媚花。豪吟秋喝月。氣舒江滾滾。調  
 苦蟲切切。響走寒松濤。健打霜天鷗。鑿險層峯  
 頽。窮幽九泉裂。齒牙嚼甘辛。腎腸轟槎枿。鏤空  
 言銓斷。入奧思惟絕。湧出不自知。百怪罄一噦。  
 僻居寡朋儔。詩就緘其舌。維時里閭中。尊宿稍

衰歇鉅手絳雲叟。墓草埋豐碣。族尊東澗官保野王冥漠

遊。馮先生定遠興公躋大壘。孫先生雪屋矯矯鼓瑟翁。聞闕秣

陵牽。湘靈族叔祖繼起幸有人。作家尚森列。我念長離

羣。鄭圃形影子。馳書延勝流。登壇賡白雪。開我

招隱堂。遠近來英哲。老成前輩五。龔圓石陳在茲鄧有堂嚴武伯張謫凡

把臂執友八。沈秋士龔列御黃子鴻馮補之戴介眉薛孝穆許賜谷家羽王餘多新相知

三十人欠一。主賓既就座。有客創為說。請做棘

闡法。糊名校工拙。公論推祭酒。瑕瑜就之決。詩

成易書呈次第。判甲乙。小大臚觥籌。殿最差賞

罰。昭容紙欲飛。沈宋未分別。觀望笑闕堂。錦標

定。誰奪居然類。觀榜相顧皆內熱。可以驗名心

兒戲。闕得失。此詩擅場者。繼秉詩衡筆。更代主

齊盟。有似傳衣鉢。放蕩誠踰閑。高興亦可悅。不

惜秋兔髯。所患綠蛆竭。諸君備眾美。騷雅不同

律。鐘塔振金聲。續紛霏玉屑。敏捷競鬪奇。鈍澀

我獨劣。而亦有微長。面目必已出。削肥務為瘦。

汰縟著其潔。識者或取焉。激賞頗過實。顛狂幾

何時。徒侶半存沒。凡我素心人。有窮無一達。良



會不可再。惆悵那能恕。迴首幼學齡。嘯詠無虛日。僻耽得之天。勤苦剗硯鐵。百鍊終未精。青銅見華髮。今將挾禿管。賣之療飢渴。憚把東臯鋤。希售齊門瑟。豈忘吾計左。八口待以活。襍被西北遊。短棹凌風發。推篷望故人。煙波莽空闊。

登樓

記得涼蟾映小樓。曾來樓上看梳頭。十年馬首英雄淚。前度蛾眉老大愁。山出白雲延落日。樹留紅葉管殘秋。望中萬象皆淒楚。況是相逢話

舊遊

關山道中

貧賤安知行路難。兼程莽莽過重關。烏隨落葉下枯樹。人帶夕陽穿亂山。廢耒江淮愁木酪。荷戈秦楚盼刀環。季鷹豈有封侯骨。甘棄尊鱸去不還。

征人婦

戊午午月哉生明。我自武陽來阜城。道傍驚見兩少女。相對慟哭將捐生。立馬問是誰家妹。崔

家姊妹兵家婦良人同井耦而耕吏點中男驅  
遣走鄭郎飛騎籍王郎弓弩手相繼從軍出散  
闕舅姑俱沒同依母家貧織帛縫寒衣秦川路  
梗行人稀經年欲寄不得寄未敢典鬻謀其飢  
鄰商來自金牛道傳說殺人如殺草哥舒失筭  
陷偏師獲索乘機偷大燾出門火伴數輩俱被  
此消息片紙無二女心同夢魂異各以凶吉占  
其夫今朝火伴攜緘至失喜謂是平安字開緘  
絮裹血模糊寸寸王郎刀斷指遺言白骨重難

收稍拾殘骸報妻子阿姊倉皇問鄭郎已先改  
戍征邛雋西南險阻涕蜩蟾又隔千山與萬水  
死別生離等不歸地久天長人已矣吁嗟乎望  
夫身今若此

苦熱

六月大雨過烈燄從地起上騰徹層霄還入重  
泉底中天停火輪閃爍怒直視下土皆仇讐盡  
遣立焦燬萬木暎其乾百穀斷生理飛鳥雜沓  
墜走獸枕藉死肖翹揭枯莖鱗介爛沸水人稍

黠於物百計衛其體暫眠九遷移終食十盥洗  
織絺敵重裘著膚作瘡痛忽然躓而僵肉腐不  
可徙當有幽都涼聚彼避暑鬼燕郊號高寒毒  
熱乃至此風息雲絕影半月勢未已吾方肩囊  
書徒步一千里

鄧戶曹席上吳姬索詩口占以贈

濃鬢媚靨柰君何隔座生香散綺羅我是蘇臺  
舊狂客但聽吳語不聽歌

上新城王阮亭先生

文之精者詩其尤前人得失迹可求漢魏六朝  
迄唐宋異同井井今源流世遠勿論論其近元  
明二代篇章留終元之季無一人其格靡曼其  
辭偷末造維楨以妖霸朋類相率為蛇牛有明  
開創講大振磨天巨刃宋與劉海叟骨幹推獨  
步眉菴才藻兄青丘彩鸞丹鳳昇平瑞餘子小  
就非其儔蛩螢鶯燕調自別得意亦復鳴啾啾  
北都而降絕繼響詩人極盛詩寥寥叶家騷戶  
雅徧六合下至韋褐士冕旒擬金夏玉積卷帙

德齊地醜知誰優彼善於此或間出釣鼈莫下  
任公鈎茶陵聲望重山斗浩氣宏大蓋九州樂  
府雄竒體非古餘體平易鄰於歐李何穿鑿肆  
排擊強作解事操戈矛王李後起李尤劣大名  
附會歸虵蝥鍾譚更說夢中夢無故剗肉成瘡  
疣吾家東澗憤斯菽盡力褒貶如恩讐快心可  
杜天下口黨伐之介難窮搜北宮養勇主必勝  
盛氣俄逐雲煙收三百年中兩窮者山陰徐渭  
吳沈周鬚眉聲效儼不死此真面目能千秋興

朝文治四十載奎壁紫燄騰青霄叶婁江淝水  
著作手哲人萎矣音容休先生挺生天所篤弱  
冠鵬翼培風浮李白千首傳字內雞林隻字兼  
金酬東南學者仰星漢賤子挾策來從遊平生  
身口耐寒餓囊無半刺干王侯賣詩買酒一醉  
足滄波隨處容閒鷗每笑虞翻骨不媚漫希知  
已何其謬叶幸當吾世有法眼畢獻所業無待  
謀棄捐汲引兩不問但問句可驚人否

寄謝廣平相國

遞鐘絃柱本無竒按徵諧宮祇自知淒切調沈  
風緊處寂寥聲慢月高時敢疑楚客酬歌少尚  
覺花奴解穢遲九陌箏琶喧刮耳賞音難向此  
中期

西域貢獅歌

著雍敦牂斗西指西域來朝貢獅子巨艦乘風  
載獸王破浪東行六萬里司天遠臣利類思繪  
圖作譜詳言之其詞侏儒不可曉我更考詢譯  
以詩獅子狀同種有二垂毛最猛拳毛次黃白

青藍四色殊頭高肩潤睪尻細赤舌碧眼銅鐵

額巨口長牙排劒戟爪分十八利於刀愛惜鋒

銳避砂石獅爪前五後四不踐砂石恐鈍其爪怒而將吼必舐脣敲骨

出火飛青燐怒則以骨相敲出火如石攻之愈急行愈緩不畏矢

石攢其身獵人迫之至死終不退避食獸食生不食死食人食強

不食弱遇男女同行則捨女食男老壯同行則捨老食壯天與異氣雄毛羣乃

復制之以病瘡獅善病瘡一月不病則猛不可言最憚雄雞鳴尤患

車輪聲二聲豈有害相及莫解恐怖於何生探

得其兒甘就縛尚餘慈愛如人情獅無檻致之法惟探穴取其子則貼

伏求代既服  
更不復肆

詔命服不氏試以象與虎虎顫不能行  
象伏面貼土以掌擎猪羊一吹毛落雨若遣產  
中華聞韶可率舞吾聞故明神宗朝貢獅隸以  
鐵作牢野心久困忽不樂不食不飲據地號掉  
尾一掃鐵牢裂破闕壞壁騰身逃神物難以人  
力勝豢養扞衛皆徒勞方今全盛時珍竒遠方  
至嚮化固可嘉恐非 聖人意 聖人抑勇而  
崇仁仁覆六合萬國賓鳥獸咸若悍獷馴不生  
獅子生麒麟

寒夜大醉朱栽亭寓齋

酒陣深宵合。平明戰愈塵。諸君盟息壤。賤子狃  
蒲騷。輕進長鯨困。知難匹馬逃。不愁醒眼笑。有  
得在粗豪。

題栽亭小像

連漪水色侵。夜碧榮木高。臨太湖石石上何人  
據素琴。跣足科頭好顏色。欲呼與語坐不起。廣  
額踈眉似相識。客疑此是義熙人。我曰非也。山  
陰客。山陰客。字栽亭。胸中有經史。眼底無公卿。

如桐之孤如石瘦如琴之靜如水清軟紅塵土  
長安城對之兩腋清風生若能拉我入此畫畫  
中應有哦詩聲

寄內

六分春色四分過夢斷家山近若何九陌鶯花  
情緒少十年夫婦別離多無方賢俊皆簪筆有  
道乾坤漸止戈只有恨人歸未得鏡奩閒殺舊  
青螺

偶然作

有詔興文治林泉喜氣新九重求好句六合  
走才人應律皆金石來遊即鳳麟煙波有愚叟  
蓑笠自垂綸

紀異

己未孟秋日在翼薦收司令星居庚涼風不至  
日如赭炎炎烈火燒金精燕臺萬戶午炊熟平  
地迸出驚雷聲轟闐怒馬狂奔騰軒旬疊浪連  
天崩強車百石碾空谷鼉鼓十面催嚴兵鰲魚  
踴躍天柱折厚地掀簸如揚舠河水壁立大木

偃丘山城郭鴻毛輕飄瓦漫空飛亂蝶粉垣比  
屋頽春冰居人衝突行人仆攀挽撞擊相支撐  
牛馬四足強撐住鳴駝狂象馳風霆只愁坤軸  
盡裂壞顛眩久久方清寧望中鴟吻無一存瓦  
礫處處堆岡陵岡陵之下血流瀦出之死者多  
於生入暮都人悸不寢耳根恍惚啼孩嬰曲房  
密室成畏途家家露宿看明星風聲鶴唳杯蛇  
影傷弦病翻棲猶驚地坼龜紋深莫測水泉逆  
湧紅黃青聞說通州震尤甚屢闌十里平原平

腐儒引据五行志其論膠柱吾厭聽萬屍已橫  
劫已過胡乃更目爲災昔我惟襍被寄廡下駭  
浪終不傷浮萍棟折幸未壓子產杯深仍可娛  
劉伶醜醜一醉幕天卧匡床安穩無歌傾

出都留別鄧甬堂何天植

一載客燕市荆高相對貧命途乖類我天地薄  
於人計拙勞鑽石文窮老斲輪此行休惜別勉  
愛劫餘身

晚發清豐楊使君葵齋餞於郭門大醉



上馬疾馳四十里暮至開州孫使君  
青門置酒話舊復痛飲達旦

頓丘雨霽泥沒踝我醉神全輕坎坷匹馬低衝  
積水飛四蹄碎蹴珠千顆情騰頃刻抵宣房澶  
淵太守坐虛左醉語支離道款曲頭垂眼倦冠  
纓鞞客心易警颯然醒失笑驚看君與我半年  
離別一鐘聲屢夢相逢今日果趣呼子弟洗觥  
籌丹砂點漆盤餐夥何異長安客舍中茗爐碁  
局同燈火更深燭跋銀河低留鬢更就深窗坐

阿戎吟我昔遊詩絕代燕山花一朶迴思聚散  
等雲煙感事懷人淚交隋酒兵屢敗我欲眠試  
白主人云不可呼盧賈勇張吾軍熹微已啟城  
門鎖

長垣道中

槐陌桑疇水拍天行人騎馬當乘船疾驅爲趁  
三竿日一蹶愁沈萬仞淵培浪鼈登高樹曬得  
魚鷗上矮檐眠居民却羨漁翁樂無恙蓬窗有  
爨煙

醉中放歌送王雷青應試

吁咄哉王郎抑塞磊落之奇才胡爲年過三十  
貧賤走塵埃大梁歲莫北風急救裘破帽風中  
來歲歎黃墟少佳釀且沽濁酒與君痛飲三百  
杯盡歡此夕休辭醉丈夫行矣夫何畏共工撞  
倒不周山未聞晉折頭顱碎王郎胸膈填咽不  
平鳴喉吻瑟縮無雄聲我作放歌壯君行王郎  
歌之當能以氣吞羣英

己未除夕書懷十首

時客西華官署  
古鴻溝地也

他鄉又見餞嘉平。雲凍梁園雪滿城。曆牘一行  
愁裏日。爆喧三歲客中聲。甲兵天地誇文戰。飢  
饉江山恃筆耕。每訝陸機懷底術。無端入洛竟  
成名。

殷墟莽莽盡荆榛。如彈孤城據要津。古蹟千秋  
存墓道。

縣有殷  
高宗陵

怒聲三面走河身。野無烽火頑民

靖戶少炊煙。長吏貧遙望故鄉堪絕倒。滿堂吳  
語未歸人。

躡屩天涯十五年。賣文生計轉蕭然。飢烏覓食

忘家遠野鶴投籠賴主賢。愁鍊詩腸成白髮。酒  
驅歸夢入蒼煙。陳遵豪興能留客。且剔寒燈共  
放顛。

直北長安望裏窮。舊遊回首隔秋風。書陳太息  
言空切。圖繪流民畫未工。本始妖氛當晝黑。大  
庭新燄徹雲紅。盧仝浪灑憂時淚。蟣蝨何由入  
紫宮。

雁臣強半客爲家。往事春明憶夢華。末座慣傾  
擗命酒。敕裘曾傍可憐花。維摩壁上留三體。宰

相堂前鬪八叉。今夜寂寥誰與共。獨看枯樹數  
昏鴉。

三載辭家得未曾。歲除仍對去年燈。淚膠塵面  
垂冰柱。愁結離腸作弩癢。膝下晨昏歡不足。鏡  
中膏沐瘦難勝。傷心俯仰皆吾咎。枕上聞雞數  
寢興。

傲骨狂懷不自疑。人皆欲殺我逾癡。艱難身世  
留心契。貧賤知交各路岐。江上秋生蘭有訊。隴  
頭雲鎖雁無期。枯腸欲乞延年筆。草就懷人萬

首詩。惘欵襟期托鴉媒寒如范叔洵悲哉愁將風月  
還天地窮以文章擲草萊夢裏家山成異國眼  
前金紫盡竒才咸陽博塞吾徒事脫帽狂呼大  
采來  
四郊鴻雁正嗷嗷歎息春陵撫字勞戰伐久知  
虛國計追呼何敢贖民膏陽城緘口辭金闕杜  
甫酸心過石壕惆悵芒鞋萍梗客乾坤何處托  
青袍

第四句警言絕

公然日月去難留收拾空囊貯旅愁好句三人  
鑿赤壁殘年一夜割鴻溝依劉慙媿叨青眼吟  
越淒涼趙白頭莫歎蒯緱零落甚此邦高枕勝  
神州  
謁處義陵  
一畫破鴻濛斯文開鼻祖哀彼長夜人故將天  
地補三倉紛其蹟文周益其譜遂令章句儒白  
髮死訓詁更代起爭端異同不可數我亦一微  
塵冷眼笑萬古再拜告至人勿更博黃土

颯齊頭穎川城南遇三叔父秋水弟龔列御張  
離家七百有七旬憂愁忽忽忘交親舌強都作  
燕趙語吳音到耳疑家人畫卦臺邊躍馬過柳  
陰忽見單車輪疇看愴目不能語清淚欲制還  
露巾骨肉相逢故人共此夢亦罕况乃真吾叔  
長顙黑如舊吾弟少覺子由瘦龔子松姿分外  
蒼張郎玉骨依然秀黃塵眯眼何處來魚困頭  
然各自救莫向田文話斷梗且尋黃令求醇酎

五人三馬鴻溝來

索騎不得止三馬更代以馳

城門鎖鑰更深開

人生樂事多意外今夕何夕同銜杯且當彼此  
賀無恙勿談家室令心哀我嗟兩歲留燕臺黑  
貂裘敝堆塵埃身經大劫幸不死隨所依托生  
疑猜又將口腹累安邑地主劉顥能憐才無成  
有恨我自歎繼我作客胡為哉吁嗟乎鷄決鵬  
搏俱不易猶對時流誇意氣招隱堂中詩酒徒  
散作離人滿天地明朝分手又千山何年偕遂  
歸耕計

哭鄧甯堂徵君四十韻

濃霜殺秋蓬甯堂竟客死造物毒詩人嗚呼何  
至此憶昔初識君子長未及凡已有詩人名藉  
藉入吾耳識君二十年予亦操觚起盍簪集雕  
龍樹幟塵羣蟻君獨最後來長身不衫履放口  
高吟哦落筆輒滿紙其年歲云莫僧寮予病瘡  
黃昏叩門來投我菊與杞明年我擔簦前君遊  
帝里君著大布衣攜詩獻天子北風長安道  
握手紅塵裏三百六十日過從無虛晷太液眺

晴雲杜曲尋芳芷賭酒涸黃壚雄談破嚆矢相  
隨訪荆高相戒謁言史不知放浪非頗憎奔競  
鄙京華錦繡堆骯髒我與爾人生意氣合何謂  
非知己新令選宏詞旅進對階祀蓬萊三賦成  
歸來顏色喜自誇藜藿腸飽喫太倉米佞期豈  
遜人玉川或遭毀君意殊灑然白眼看青紫莫  
春君生日甲子一周矣我欲爲君壽請以古松  
比贈君古松歌君愛諷不已索寫高麗牋珍藏  
勝文綺秋深我飢驅揮鞭逾洛水煙草隔冬春

相思斷雙鯉雙鯉今日來猶猜是君使失喜急  
開緘淚下不可止別我未半年已爲三月鬼憶  
君送我時豪興如穉齒豈有爐炭煎頓令金石  
燬冀北雲漫漫江南水瀾瀾魂若覓家鄉虞山  
青處是我欲葬君骨剗碑樹山趾大書鐫其名  
詩人鄧林梓

鳳陽道中

山湧不窮色人行可畏途松醪孤店貴麥飯舊  
陵無堡廢餘熊館林空落鳥都黔教休捧食白

骨已多枯

北發過下相大雨不止路窄泥深艱險

備至同行爲從昆敬旃孫子嘉子騎  
不能前買舟南返予冒雨獨行  
雨急老拳紛泥滑新酥膩足如枉矢流一跌下  
無地堪嗟貴公子空有青絲轡

入都有感

遊洛歸吳八千里馬蹄還踏禁城霜江干茅屋  
原無恙却把燕山作故鄉

中秋夜翁鐵菴先生置酒黑龍潭招飲  
大醉在座爲山左潘雪石趙伸符兩

太史暨同里張禹思戴介翁馮補之

服之陶紫司也服之多力能礫石以投一發數十步

風塵草草脫征衣來赴山公載酒期賈勇客飛  
平地礮退朝人索紀遊詩秋生潭底眠龍醒與  
發樽前顧兔知爛醉各尋歸路去兩三人影鬪  
傾歌

醉中示門弟子四十韻

天地有靈氣盤鬱塞八荒蘊久成百怪洩之以  
文章六經涵大海百氏注天潢涓涓分派異滾  
滾真源長灝氣盡秦漢爭端起晉唐制科縛天  
下蠻觸排戰場伏屍流血時敗者皆悲傷廻視  
賭勝地蝸角如針鉞問天競搔首造物終木彊  
千五百歲中歲歲槐花黃擾攘竟誰悟野馬塵  
空揚我幼貧失學坐井羞望洋辛勤破萬卷志  
侈不自量負笈走寰宇陰欲求班楊見多心愈  
倦塊獨守我常諸子從我遊毋乃失所望苦搜



貧兒寶。未儲宿春糧。媿子請益誠。一語聊相償。  
千古不死心。譬如日月光。罅隙亦耿耿。長空自  
蒼蒼。吾生浩然氣。譬如大風颺。入竅無所礙。拔  
木誰能當。二者人盡具。我爾同包藏。生生不可  
竭。遞嬗如陰陽。前人恣掠取。曾不減毫芒。刮磨  
及培養。其事宜周詳。紅爐鑠頑鐵。滓去成銜鋼。  
嘉穀得膏雨。時至盈倉箱。勿見過鳥跡。對之學  
翱翔。廣着配高髻。新樣時世妝。塗抹費臙粉。何  
異邯鄲倡。麝臍雜龍腦。搗和成芬芳。困憊中於

頽。終非王者香。雞鷲埒間物。珍之等鸞皇。涕唾  
人所棄。甘之爲酒漿。此病吾不解。請問諸長桑。  
盡反時所尚。庶幾起膏肓。試之若不驗。浮我千  
百觴。燭跋夜氣靜。淡月流輕霜。醉語多謬誤。莫  
謂先生狂。

盧中丞謂予詩無他長。惟蒼辣之氣人

不能到。戲賦以荅。

刻楮吞銚良可羞。但留元氣謝雕鏤。薑能味辣  
老將至。松到色蒼天。已秋輕薄不甘看。翡翠謗

傷何必惱虺蜥知君冷眼違輿論未敢分明索  
應求春鏡身可盡回留示廉價謝  
應求春鏡身可盡回留示廉價謝

何天植自蒲來燕喜而有作

報國寺前與子別秋風初作銛如鐵宣武門外  
與子見赤日焦枯赭顏面梁齊趙晉跬步中青  
衫席帽還相逢槐花滿地了不顧且呼美酒澆  
心曾三年努力事何若疾陳所得將子攻我聞  
蒲居萬山中塞路虎兇狼貍熊士樸民陋不知  
學但饒歌女如花紅地主李蔡不足笑此外曾

否交豪雄汰沙琢玉古求友離羣塊處奚所宗  
文章真源出性命妄庸人謂售者工我嗟失學  
兼失路開口伸辯莫我容時人彈擿等讐敵弟  
子米訥如癡聾惟子好問窮幽討今朝癢得麻  
姑爪乾坤大度恕狂言不妨話到燕山曉  
晚秋感懷呈鐵菴先生

三十年來落拓身強隨儕輩混風塵枯蟬穴卷  
耽竒字弱燕求巢失主人掩面怕逢青眼客緘  
書難報白頭親人間同異爭方急那有微權到

鬼神

省試夜先生夢謁仙曹問獲  
雋姓名主者首舉不才以告

答歸惺崖翰撰

選得蛾眉盡絕倫無鹽寧復逞腰身不勞問訊

悲秋况君亦頻年下第人

得三叔父書知佐幕彞陵却寄三十韻

昔笑高達夫五十始一薦臣叔誠不癡胡爲久

貧賤家學念我祖白首不釋卷六經窮鑽研羣

史入錘鍊骨髓搜莊列儕輩視修洵尊宿老宮

保東澗

抑首每稱善強項顧夫子

仲恭

旗鼓讓一面

攤書課子孫獎誘少呵譴在子叔年韶在孫我

首弁愛深望尤切提撕忘寢膳棄我二十年依

然耕破硯我素不更事惟爭筆力健叔能助我

父綢繆計萬變徹桑固危巢抽刀斬亂線得暇

不宥愁花間聚親串苦飲賭鯨吞酸吟和鶯轉

此樂能幾何猶未許留戀飄飄波散萍去去弦

吐箭高翮托長空遠逝惟所便去年荼蘼開相

遇西華縣一夕燈火同七度斗杓轉燕山望楚

水萬里何由見乾鵲報書來開緘淚如霰彞陵

腰膂地三載疲酣戰主將非哥舒安能客俊彥  
故廬青草深高堂紅日晏努力歸去來從軍豈  
夙願我抱點額悲衝波鱗鬣倦尚向逆濤中晴  
天盼雷電祖德在詩書敢讀班超傳

寒夜同張越千沈古培查荊州留宿劉

玉衡部曹齋中

小閣留賓市綺羅我來豪縱可誰何論詩法較  
溫舒酷罰酒籌如道濟多磁斗孤梅撐鐵骨文  
牕凍月瀉金波不辭永夜吹燈坐緊傍寒香看

素娥

觀棋六絕句

方罫機謀亦有涯爭強彼此號專家分明十九  
縱橫路纔賭輸贏著便差

能飛能撒亦能征虛實其如眼不成孟德何嘗  
真四目只緣馮信是青盲  
成筭先看出手時纔投一子悔應遲苦爭角活  
忘全局縱得侵分事可知  
腹瘦邊肥改舊觀蛇聯鴻斷勢彌單一人對局

多人算任是王逢決計難  
棄却中心守一隅支持雙活緩須臾  
殘星在瞬息通盤半子無  
推枰斂子已斜陽博得傍觀笑  
開堂弄巧不成成大拙何如牢向橘中藏

撫雲集卷四

撫雲集卷五

虞山 錢良擇 木菴

上元

海畔銷鋒鏑樓前賜酒醪香輪隨月轉火樹入  
雲高度曲千紅豆開簾萬絳桃繁華滿天地我  
亦暫時豪

出都留別當湖沈古培海昌查荊州同

里戴介省陶紫司何天植四十韻

憶昨庚申歲重遊輦下時一身披枳棘四友結

墟麓初以文章合終因臭味宜眼前肝膽剖夢  
裏笑言隨各怨淵明誤勤攻貌辯疵爭先為脫  
略相戒話淒其諧謔雖踰矩觀摩實取資雄兵  
排鐵騎絕調鬪冰絲刻劃傳心印麤疎名口碑  
豈憂皇甫謗所媿孔融知聽雪宵同被尋芳曉  
並綏分襟纔數武短札已交馳春去燕山外人  
來易水渚天植仲夏方至竹林添舊伴蘭畹得新枝炎熱  
拋書卷顛狂覓酒卮銀屏惟索滿金主不論誰  
未飲神先旺將酣語益奇病查愁巨竿顛沈拘

殘棋戴老誇端靜陶君負跣跣何郎驚側耳張

子倦支頤及門張子每集必預鄰媪憎敲鉢羸童怨捧匜醉成

懷鶴卧飲友人家予醉袖其所蓄馴鶴而卧次日酒醒自懷中飛出病累典裘醫新秋卧疾諸君

花發毫鋒銳蟾明桂影垂羞媒湘水鴉同

暴呂梁髻深淺乖時尚升沈判路岐穿雲孤鳥

迅戴獲馬策月蹇驢疲陶先歸黯黯班荆別凝凝按劍悲

定香禁火爍古井耐風吹斂抑陳商氣攷藏宋

玉詞從教當面笑冑皺乞憐眉欲矯直為枉難

將黠換癡蒲團尋道侶吳僧燈巖時相過談禪論詩斗帳却妖姬

友人置酒備以儻募誠非計蹲循亦自嗤九州皆窘

麗人笑而却之步八口鎮長飢窮鬼司操縱通人善信疑吾生

湖海濶天運地雷遲楚粵同迢遞乾坤盡別離

予與古培同日出都古培之楚予之粵休揮嗣宗淚好厲孟明師萬里今

行矣羣賢共勉之據鞍題短句何似聽猿詩

良鄉馬上次于鐵樵先生韻

西北山青宿霧收回頭隱隱見神州征人旆暗

晨歸馬賈客車停午飯牛鑽柳新煙生蔀屋班

荆殘夢隔蘆溝此行直到天南極詩思真當入

海求

趵突泉

濟水西北來悍急且輕剽旁枝折而南山根扼

其道伏流不得洩厚地潰三竅勢鬱力愈勁突

出波瀾峭直上一線源逆流五尺瀑銀花燄不

銷玉龍尾爭掉噴湧曉夜同不關乎旱潦倒流

還到地積成數畝沼鑿空出奇勝我歎化工妙

輦石試塞之更將安所造

留宿新城王春穀齋醉後題壁四十句

寄上阮亭先生

春穀先生  
主器也

良擇東吳瘦狂客性直不能僂其脊十載京華  
熱鬧場綾文羞向朱門擲僦居僧舍依長松擁  
書鍵戶如寒蟲知名之士稍過從憎我孤僻快  
我窮琅邪先生斯文宗見我詩句驚其工延致  
與我究絕學不以禮檢傾談鋒抉剔漢魏辨唐  
宋怪詞駭衆論則公先生首冑笑莫逆枯枝一  
夜花迎風先生許可時流惡借棲無樹歸無路  
別求售主賣文章萬里茫茫嶺南去蹇驢破帽

披星霜便道來謁平泉莊元禮門庭設行馬八

龍兄弟才難當殷勤款客開華堂邀我一舉累

十觴爲言祖德世澤長古槐千尺凌穹蒼

琅邪始  
祖太僕

公微時結茅大槐之下夢神人以袍笏數車遍懸其樹  
百年之內五世子孫登第者四十餘人樹亦鬱葱如故

太僕祠前

列扁石二如亭畔羅羣芳

太僕孫方伯公有二如亭羣芳  
譜行世刻於吾虞亭至今尚存

子弟詩書遵矩矱春秋俎豆嚴烝嘗舊家閱閱  
當代少奕葉富貴逾金張我亦王孫忠孝裔身  
如一葉飛天地信宿盤桓不偶然何年更得驅  
車至題詩留獻鄭康成記取布衣門下士



琅邪東亭先生阮亭先生仲兄也庚戌  
登第辛酉夏謁選京師見予文而歎  
賞有國士之目是秋示疾厭世易簣  
時手予詩一帙以瞑然予初不之知  
亦未一識先生也壬戌三月過琅邪  
里第先生主器敬遠出遺照索題因  
揮淚再拜而作此詩

先生愛我詩攜我詩入土我今見先生先生胡  
不語知心不識面七月判今古髣髴想平生吟

成淚如雨

聞介眉禮闈下第

一第豈過分。况君非少年。大難刊硬嘴。俊鶻騰  
空拳。童僕衰。新敬風雲算。後緣關心老兄弟。萬  
里爲潛然。

盱眙晚渡

不分淮與泗。惟見白無涯。城剩一尋土。魚居百  
姓家。往來爭彼岸。生死托浮槎。達命吾無懼。豪  
吟劈浪花。

皖城午日

雄郡逢佳節人聲沸夕暉球從高樹落其俗簾葵花作大球懸樹  
龍遶大江飛蒲酒瓊波綠鮪魚雪片肥五年當  
此日不得侍庭幃

江上晚眺

四海勞勞何所為各催霜雪上鬚眉長江已是  
東流急又被西風日夜吹

壬子五月過鄱陽湖風雨大作俄而開  
霽畢見廬山面目壬戌五月又過之

天晴日朗而廬山雲埋其半湖心白  
浪如山輕舟震蕩坐立不可堅卧賦  
詩詩成而濟

匡廬山翠迢迢鄱陽水白滔滔奇觀絕勝魁南  
條我行天下十六七無如此水之廣此山高昔  
年五月揚輕舸打篷急雨聲嘈嘈中流日霽雲  
霧盡半天浴出青瓊瑤我作廬山詩險勁學孟  
郊十年一噩夢又逐孤蓬飄山容水態固無恙  
看山渡水詩人霜雪生顛毛湖口帆開風怒號

萬峯却走如奔逃。一峯屹然獨不去。乃是五老  
拱背摩層霄。山神有心秘靈異。白雲百巾緘封  
牢。不知白雲之上。更復幾千尺。但見輕綃敗絮  
蒙其腰。眼雖縱觀身不穩。猛浪舉我空中拋。扁  
舟如蹋踣。豈止附桔槔。擁被僵眠不敢視。砰轟  
耳畔鳴鉦鐃。撞擊漸久神漸定。忘其生死還長  
謠。吟聲軟趁波跌蕩。詩思亂湧隨驚濤。須臾詩  
成舟不動。已報縛纜吳城坳。終食之間三百里。  
推蓬回顧五老依舊雄。峩峩登屋舉步眩欲仆。

腳底大地猶搖搖。忽憶我祖蓋世豪。弩射落  
錢塘潮。我今心膽一何懦。僅免瘦骨甘饒蛟。望  
湖亭下萬艘集。皆言性命懸絲毫。吾儕獲濟神  
所祐。令公祠內酬牲醪。吁嗟行路難。辛苦求錫  
刀。遙想山中人。餐霞弄月方逍遙。我雖貧賤食  
奔走。夙昔雅願追王喬。終當跨鸞騎鳳飛上此  
山頂。笑看下方往來舟楫。何其勞。

南昌道中

滿幅蒲帆飽北風。久淹今日試新鋒。劈開白浪

五百里擲去青山一萬重酒客醉歌相與賀榜  
人安卧遂其慵却憐邪許南來者逆上艱難正  
羨儂

瀟灘阻雨

乖龍赫斯怒掉尾掀孤篷一擲上空灘沙石相  
磨礮急電火連爍猛雨杵驟春何以庇吾身葦  
箔三四重僅勝鷗鷺鳧子立波濤中舟前高岸  
崩奔流當要衝蕩舟不得上舩艖如艨艟三日  
行十丈舟師告技窮濕蓆低厯頂四客類蟄蟲

有卧無行立偶坐必鞠躬人家隔白浪適市靡  
所從枯茶當美醞烹藿如脰熊奕棋少對者我  
弱猶稱雄無異楚出師一獵諸姬空畫永不可  
遣入夜愁逾濃夢亦怯風雨不到東吳東徒侶  
迭嗟歎我心靜不慌歟熾塞天地艱難四海同  
去住有司者爾我胡匆匆欲召五力士爲我開  
鴻濛填平十八灘蹴倒大庾峯水涸山破碎千  
里坦道通直達五羊城快馬如飛龍此願未可  
酬吟詩祈北風

峽江遇張滄枝得秋水弟書知尚客江  
少年豔奇遇心輕蠹書魚慷慨辭室家汗漫試  
江湖庚申夏相遇陳州城南隅問汝胡爲來不  
語惟長吁徐言苦貧乏故鄉不可居歲凶禾不  
登賦重骨髓枯怒吏晝捉人比鄰半逃逋新婚  
未一載有婦無完襦六親厭緩急求請必恣睢  
實亦各艱難不止情誼疎雪消螢乾死展卷氣  
不舒典我屋數椽鬻我田一區父子適荆楚二

友龔張俱張子素任俠其力稍有餘同行二千  
里恃以無艱虞我聞頗不然欲語口囁嚅重恐  
拂汝意酌酒爲歡娛勉圖相見樂酒罷心躊躇  
出誠非得已此去將焉如明朝河橋別贈汝惟  
淚珠常棣無知物春光被根株我實爲人昆坐  
媿友于再拜禱虛空毋令困崎嶇  
日池塘夢亦無傳聞西學仙平地尋蓬壺更聞  
東涉江覆舟死須臾又聞遊甚憊救裘返故廬  
又聞歸不愜重作月明烏所聞無美景反龔傳

言虛望切彌汝怨怨汝無尺書濟南老名士拉  
我之番禺峽江風雨夜畫船泊菰蒲波心見舴  
艋蕩漾來如鳧有客推篷呼先生無恙乎聞呼  
愕然顧凝眸立斯須來者真張子我目非模糊  
挑燈話徹夜扣舷但款款張子本白哲今何驚  
且癯汝亦當類是兩人等窮途投托無一可路  
鬼齊揶揄寄汝無他詞久客非良圖駿蔑一言  
善傾倒晉大夫士衡挾短策才名震中都伯玉  
碎胡琴聲價騰璠璣建封柳下談連舟載名姝

洵哉英傑事已矣合昔殊天心薄文士人情鄙  
寒儒屈指十二州何地爲康衢倦飛鳥知還努  
力賦歸與江上茅三間蓉菊久荒蕪樂飢乃分  
內何必憂朝舖尺蠖屈求伸慎勿憚勤劬悠悠  
任相笑漠漠將酬諸欲行即千里無煩足趨趨  
欲售即連城豈甘乞錙銖能爲鶴冲霄何如鴈  
銜蘆老兄坐失此輕霜上頭顱汝今幸未晚善  
保千金軀吟詩遠相戒知汝將謂予予實浪跡  
人勗汝何其愚

惶恐灘

順若崩逆若登逆上尚可強牽挽盡力爭順下  
不可知舟碎無全生人間順逆盡惶恐何必此  
灘專此名

庚嶺

羊腸一線貫嵯峨籃輦相隨入薜蘿頭上日輪  
如較近山南地軸已無多鹿皮高節思梅尉螳  
臂英風晒趙佗此是古來遷謫路書生何事等  
閒過

英德道中三首

顯晦真無憑青山亦有命通都大邑間好事選  
佳勝偶然得培塿遊者肩相並點綴樓臺新眺  
賞絲竹盛本無真面目惟爭所托幸豈知蠻獠  
鄉韞此神靈境舟行望遠峯礪碗互掩映須臾  
無所見荒厓夾紆徑揆舵倏一轉豁然兩山迸  
奇石劈面來驚視目爲定或如菽牛樹擁腫遍  
生癭或如攫人獸狙伏悍且獷或如大旆揚風  
急不能正或如槩几卧潤滑拭初淨鶴矗九尾

長夔立一足勁或洞其顛顛日光逗圓鏡或竅  
其腰脅竹樹從中孕相持鬪險怪相間出閑靜  
靜者如老僧跏趺貌莊敬閑者如美人小立新  
妝靚此特東偏耳其西不可竟吁嗟開闢初造  
化何豪橫嬉戲運神工雕琢盡物性而不產中  
原恐益人貪競問此山何名居民不能應

又折而西南兩山頂平禿其名一何陋香爐與  
蠟燭其色渥赭焦其狀怪且俗石稜縷縷盤似  
經巨絙束對峙百丈外石梁相連屬橫空作三

字疑可度人足須臾過其趾舟入兩山腹乾戈  
忽變坤三梁判而六此景誰鑿成虛幻眩人目  
空中現小巧山靈亦勞碌

英石時所尚豪家爭購之一卷數金值巨者世  
尤稀取置几案間把翫同鼎彝若能致盈丈相  
詫為珍奇豈知此珍奇拋擲滿荒陲小者亦百  
尺纍纍如布碁一山更險絕石壁立水湑側出  
類巖牆金碧色陸離何年好事人異想逾工倕  
穴壁漸深入妙施鑿與推石堅質細膩彫琢惟



所爲剔作樓三層。瓊瓏具棖。題方爲欄。與檻圓  
爲柱。與楮剋軸。轉戶牖。鏤花飾門楣。廣容數十  
人。四面窮攀躋。其上禮慈雲。莊嚴具威儀。其中  
供寢食。其下備爨顏。曰觀音巖。峭削而不危。  
奇哉奪天巧。瞻眺解我頤。豪家儻見此。當乞愚  
公移。

彈子磯

青山不近情有骨。而無肉。壁立急流邊。千仞削  
蒼玉。欲登無階梯。欲看舟去速。詩中孟東野。孤

峭誰能讀

羊城秋夜對月作

我齡曰弱。遠遊始。彈指作客十九年。非商非宦  
非行腳。無端結盡江山緣。暫歸或如磁吸鐵。一  
出復似箭吐弦。北走居庸南至海。隻身直貫坤  
維穿。桑弧蓬矢男子事。我何所爲黯自憐。讀書  
吻燥脰生手。眼看儕輩皆騰翥。救貂怕入洛陽  
里。豈但負郭無良田。亦知非計未能改。所如不  
合心。茫然譬如飛鳥借樹宿。茂林窮野高山巔。

暫時棲託且不易。何況健駟摩青天。此行蹤跡  
何太遠。一飛倏爾路八千。家鄉約畧牛女下。嶺  
南無雁書誰傳。親惟朋友密惟僕。俯仰骨肉皆  
棄旃。主人敬客相慰藉。香柑椰酒羅芳鮮。佛桑  
紅射日晴熱。樹蘭馥郁高籠煙。投壺擊鼓誘我  
醉。醉倒便枕殘書眠。忽然夢到碧霄上。絳雲襯  
腳柔如綿。九州歷歷在腳下。江河如線山如拳。  
右腳踏吳左踏粵。舉步直拂齊秦燕。鄙哉人世  
苦離別。何異隔葉號酸蟬。醒來四顧甚狹隘。紙

牕月影篩青。瓊凝思悟徹。夢中意。一時摧破愁  
城堅。

詩既成。有憎予苦吟者。再疊前韻。

九歲學詩究聲病。嘔心研索三十年。偶然會意  
結成想。悲歡苦樂皆因緣。才微力薄不自量。弱  
手猛擘強弓弦。弦開豈但石飲羽。一箭欲射南  
山穿。黃泉碧落遍搜討。有情風雨皆相憐。忽入  
東海逐徐福。忽窮西極尋張騫。蠅聲唧唧出蚓  
竅。反聽自覺雷田田。不知心火鍊鬚雪。河魚自

煮木自然。古人光燄長萬丈。恨不奮躍登其巔。  
口哦筆追死不倦。書空劃破蒼蒼天。寸心有悟  
遂大悔。咸陽一火燒三千。已未秋自焚所  
為詩三千餘首雕蟲刻楮  
豎子事。那能萬歲千秋傳。翫物喪志藥石語。更  
不粉墨隨優旃。四海詩人河沙數。穠紅竊紫春  
花鮮。搔手不敢辨。五拙虛空過眼同。雲煙此夜  
清秋身。萬里酒醒月好不可眠。牢愁欲吐夙習  
動。如體著冷思加綿。不堪塊壘柴其內。自放毒  
手試老拳。擁鼻酸辛客吟越。擊筑慷慨入辭燕。

詩成欲倩候蟲和。嶺南八月無寒蟬。多君憎我  
贈良厚。從今閉口如吞蠶。掩關兀兀枯木坐。挑  
燈三復磨兜堅。

讀壇經

四十不知佛。沈錮醉夢場。狂於互鄉習。誹議恬  
其狂。一線留微根。得染甘露漿。意外見至文。法  
寶經十章。驚歎汗如雨。口嚼不可張。何期臭腐  
軀。獲捷含靈光。山海有枯爛。吾性無銷亡。忘言  
思慮絕。宛然見空王。旅人識家園。喜極彌悲傷。

若更不知歸鳴呼客何方掩卷拜稽首如登祖師堂

東坡亭 用坡公白鶴峯新居欲成元韻

颶風狂撼故亭殘守廟吳僧獨掩關 亭為颶風所飄僅存基址祠中

公像尚存子過侍坐有吳僧奉香火甚謹 有子心安荒服外無家身住亂雲

間三遷瘴土求寧宇 公謫惠始居合江樓繼居嘉祐寺後又築此亭 一寓南人

重此山錯怒先生真睡美聽鐘原望許生還

夜夢至一山山下水怒激不可逼視旁

有白衣美人謂予曰此飢飽灘也問

其姓名笑而不答

夢裏嶸嶸且若斯人間行路更何疑丘山叢爾那堪飽天地枵然亦苦飢憂患波濤趨壑急利名舟楫上灘遲從今願學剏心法悟徹慈雲一笑時

葉園 故大司農葉公別業在惠州西湖之南

兩月居惠州學宮戶長鍵今日放腳行逸馬脫關圈舉頭見城外孤塔凌絕巘鳥可不往遊同遊憚其遠勝情終難奪一奮鼓衆嬾步出城西

門塵襟豁然，澣羣山擁擠。來西湖水滿，滿登山。  
憩蘭若，南望見亭館。試問白足僧，云是尚書苑。  
下山惜不早，紅日三竿短。紆迴至其前，綠池盈  
百畹。竹塢導王猷，蓮舟迷靜婉。入門不見天，嘉  
植千萬本。可辨惟黃柑，結實大於盃。瑞草張鳳  
尾，甘蕉垂鶴卵。餘多海外種，縱橫覆如繖。樓臺  
頗不俗，少續而多斷。雕飾雖鮮華，布置甚疎散。  
園丁知禮貌，獻茗語款款。備言啟禎間，尚書職  
補衮。身歿未十年，乾坤變混沌。有子執金吾，桑

土幸安穩。前年海倭來，倉皇被兵燹。名花刈作  
薪，珍果啖如飯。盤踞歲再周，兵敗乃宵遁。主人  
亂後歸，高下理破損。難復舊時觀，瞻眺輒憤憤。  
我聞听然笑，主人未思忖。地居蠻獠鄉，時值萑  
苻悍。三徑故依然，樂土嶺右罕。試看春循梅，幾  
處保里閑。語罷暮煙合，櫂舟送客返。隱隱籬落  
間，疏牕透弦管。恍若遊仙源，意外作劉阮。好景  
在斜陽，毋嫌得之晚。

博羅曉發次鐵樵先生韻

羅浮山色轉頭看煙霧初開夜欲闌遠樹有情  
留落月單衣無力拒新寒秋隨孤鷺辭青嶂人  
伴輕鷗過急灘望裏不知商意滿蠻花如血露  
溥溥

將軍石

石號將軍以貌同居然南服此稱雄但能袖手  
看龍鬪竟得銘旌署狗功夜雨昭陵霑甲冑秋  
風仙掌泣金銅算來輸爾無知樂自在頑身託  
化工

水車二十韻

吾鄉用水車運以人手足楚地箬作蓬乘風轉  
其軸粵俗又不然簡便而迅速即以水岸水汲  
灌惟水獨傍岸湍急處兩柱持一轂製取堅而  
輕直木四嚮矗團團竟二丈左右各十六木端  
織細篾橫障十六幅入水五尺餘截流受水觸  
前浮後已沈幅幅相追逐迴環象乾旋曾不間  
曛旭一木縛一筒筒皆如椽竹俯下仰口上取  
水如量粟篾力舉之升至頂乃傾覆承以小瓦

溝汨汨流相續直達畎澮間遠近惟所欲人疑  
水車勤不知水勞碌車水兩無心人心籌算熟  
出此機械巧坐致安閒福猶憤耕遲遲咤叱鞭  
黃犢

山火

粵地無閒山寸土皆種植險長蓬艾蒿平栽稻  
菽麥樵刈不到根餘槎多滿尺放火悉灰之可  
以腴地力深冬久晴後縛炬順風擲烈燄縱橫  
飛羣山一齊赤樹木不傷理稍稍皮焦黑可念

惟蟄蟲何術逃此厄舟行日將暮幕廬煙景碧  
忽見萬火龍盤旋過山脊炎炎無定形溪澗不  
能隔倏然橢以長或則圓而圻絳雲高下走急  
電東西劃散如金人箭閃爍菽江射聚如丞相  
燈五更朝紫陌虞詡鷄亂飛田單牛四逼樓閣  
燬阿房旌旗塵赤壁紅影薄衣裳空中聲磔磔  
客曰此大觀變化記其迹我則求其理抑首自  
尋繹熒惑星之妖離明卦之德燧人始鑽木教  
民熟飲食宋衛陳鄭災春秋書改革爲妖非細

故爲德止炮炙何人創火耕用之太狼籍殺舊  
以蕃新其道本生剋五行火生土木剋土漸瘠  
得火助元氣母盛子自益朽枿旣無用淨盡斯  
爲得燔灼無子遺生機盡然溢如人洗瘡瘻垢  
去身光澤精爽乃發揚此理不可易作詩述所  
見思拙筆有棘徒仰陸渾篇落句如山石

藍關謁韓文公廟

藍關本在秦地後人因公詩記以名入潮之隘

巍然廟貌據通津窈窕羣山若比鄰昔是畏途  
今坦道公爲遷客我聞人不情天地開前路隨

分江山歷此身號作藍關無雪擁早梅千樹著

花新

嶺梅特盛長  
至前已盡開

### 長樂榕樹歌

嶺南榕樹多如麻其生十七近水涯根蟠淺土  
枝蚪曲低庠厝頂色濃綠大者尋常可蔽牛惟  
有長樂一樹蔽象無餘留異哉遠望不似樹疑  
是青山平地虛湧如饅頭其身周圍十九抱其  
枝橫亘八十八步猶未到日月行天光從四面  
來直上仰看無一竅託根官署廳事前蓋覆比



屋前後左右數十椽庭中雨露霜電皆絕跡所能入者迴風旋雪與輕煙年年颺作不能撼旱潦何所加損焉不材又免斧斤患得毋此樹之壽將齊天吾聞大地之氣洩於木盛衰非盡由寒暴偶然地氣鍾此中土膏泉脉俱爲福君不見嶧山桐徂徠松萬千難保長青葱榎楠遭伐柳遭折此樹得天何獨豐汾陽富貴彭錢壽人則有然物亦同又不見菩提樹在無何鄉蟠桃若木薜花朝菌榮悴皆成空

蓬萊灘

地勢誠不平水怒胡不已匹練一千尺猛蹙銀花起蛟龍鬪我前雷霆撼我耳亂石蹲中流扁舟拽百指逆上登蒼天順下激飛矢黯澹與惶恐二險未足比雖險無可畏其怒止於此三老刺長篙深淺測其底江海雖安瀾力能制生死大小器量殊悠然悟物理

潮州謁昌黎廟

潮人事公祀典與孟子同

不幸衰年此謫官作師南服亦無端千秋俎豆

遂方孟百里江山皆姓韓

山皆韓山  
江皆韓江

驅鱷居然成樂

國騎龍無柰又狂瀾豐碑坡老文章在手剝蒼

苔子細看

元夕

五羊元夕似中秋綠桂花開映海榴襖盡蠻孃  
歌涓鬻弔風妖鳥泣啁啾人來遠道春無味月  
入空樽影不流憶我去年行樂事故鄉無夢夢

神州

曲江逢龔列御

燕北鴻南各趁風忽然同落粵山東天驅人至  
蠻煙外我遇君於噩夢中競愛素衣衝黑霧可  
知華髮在青銅八荒舉足無平地努力江干一  
畝宮

荔枝

粵山天下奇千里錯金碧大海環拱之雲霞日  
噴激佳氣搏虛空彙於荔枝積五月薰風來萬  
顆同時赤皮感龍鱗圓膜襯葦綃白摘聞蘭麝  
香剖滴醍醐液玉肌太豐肥飽填絳囊窄入口

晚唐之作

神爽然春意盎胸膈渴病既消除詩脾亦潤澤  
此是仙家果胡許凡夫食食多或損人此語真  
無識絕豔得妃子亡國且不惜

新州

畫棟飛甍故宛然廣庭新雨草芊芊八千里外  
留玉粲三十年來叫杜鵑對立石人刈鎖甲爭  
飛山鳥啄花鈿書生略曉殘碁勢細數輸贏夜  
不眠

端州大魁樓夜坐偶成

俯視心驚所據尊危樓兀坐送黃昏蠻煙壓郡  
雄無際圓月青山巖有痕頭白未酬文字債心  
枯微見覺王門江鱈紅荔非吾願歸去茅茨斲  
菜根

春州道中山行暫憩榕陰下道旁茅舍

中有雙鬟迎笑試與語一字不可曉

萬山深處一人行立馬榕陰暑氣清却笑如花  
倚門女嬌音難辨類雛鶯

海雲

癸亥閏六月。我赴高涼城。肩輿晚過雷白縣。縣南劈面竒雲生。危峯僂僂作人狀。攫拏怪獸相搯。搯靈芝千朶結華蓋。雜以大樹垂枯藤。瓊瓏刻劃屹不動。團酥撥蠟寒而凝。從來看雲看天半。未見壁立如圍屏。去人纔百步。疑可踴以登。行行漸近雲腳出。濃鋪水面厚且平。青銅鏡堆千尺雪。倒影入水交峻嶒。我疑問輿人。此水爲何名。蠻丁掩口笑。客眼應未經。是水即大海。雲外皆滄溟。偶然雲近岸邊起。留此一道溝渠清。

有時百怪作。狂雷急電從中騰。有時隨風散。頃刻滅沒餘空明。無風海不波。則無變化形。其久或終日不騫亦不崩。我聞思其理。諦視不轉睛。若云蜃作樓。此恐非所能。其身雖巨百丈耳。胡乃百里排崢嶸。若云海吐氣。天地呼吸本不停。浩瀚何從得。喉吻乃噓鬱。結成薰蒸得。非廣利王。遨遊聚神靈。假手難陀龍。嬉戲創蓬瀛。我欲駕飛橋。伸掌摩其稜。堅牢儻可藉。卧聽天雞鳴。又欲擢輕舟。直貫其中行。羣仙如覲面。當舉我

以升。斯須路轉入山谷。奇景迫出哦詩聲。海若興雲我得句。虛空幻跡同時成。

洗夫人廟

寧濟公馬寶從祀寢宮

世亂雄豪盡功名。屬婦人雙旌三姓重。

百蠻馴夫爵從妻位。

寶以夫人功歿後贈爵

孫謀代子身。

寶子嗣立有異

志夫人囚子立孫

英魂如不散。側貳定稱臣。曰百丈下附。

颶風三十韻

蘇子賦颶風。謂與噓呵同。至理非大言。平氣吹鴻濛。高涼秋雨夜。酒酣睡方濃。猛然屋漏下。滴

滴水貫胸驚。寤仰見天屋。瓦半已空。萬馬奔躍來。莫辨西與東。昊蒼不勝憤。伐鼓鞭羣龍。奮勇助風伯。午夜急戰攻。壞牆等裂紙。拜樹如彎弓。捲乾滄海水。推倒黎母峯。大地雖不動。亦復聲。叢叢城中十萬戶。微生比秋桐。恐隨落葉飛。竟隕鮫人宮。破腦或折脰。左右號。猺童悲哀不忍聽。安得兩耳聾。我室謂堅固。高垣倚崇墉。大崩若破陣。甄石飛蝗蝻。相去五步內。僅不糜我躬。求庇無可恃。趨託叢菁叢。茂由得蓑笠。布被聊

自蒙蹲踞以爲安豈復憚泥中四望墨一色傾  
耳聽晨鐘身寒雖戰栗心靜仍冲融排擊聽所  
爲柰我何天公天公相戲侮方以暴爲雄我則  
愛其竒事竒詩愈工風怒勢不息我吟思不窮  
咿嘍與之和詩就扶桑紅將午四方具始於北  
終於西氣  
竭噓呵終萬有盡殘敗無恙惟詩筒

雷州道中八首

中原南望火雲天庾嶺依稀赤道邊到此莫論  
行遠近路過庾嶺又三千

脩直雷州一臂橫地窮無路更南行不知大海

環三面但訝竒雲左右生

雷州橫亘海中東西  
百里南北四百里

叢箐無際夾坡陀伏虎如麻伺客過忙趣筍輿  
還借問使君新政竟如何

豈是書生善不平千秋天上掌雷霆徒教連鼓

皆槌裂下土人聾莫解聽

雷祖姓陳名文玉  
梁天監二年進士

矮屋簷低僅及肩箬爲陶瓦竹爲椽行人偃僕  
推扉入且避蠻嵐耐爨煙

負薪蠻女髻盤螺跣足褰裳入薜蘿應笑中原

多粉飾芙蓉。袞袴鳳頭鞞。  
席帽騎牛。畫不如風塵媿。  
我慣騎驢。箬鞍竹鏡。  
輕還穩。可惜行囊少。漢書

亂雲層疊。翳秋空。盡日人行。慘澹中。未到徐聞

心已怯。呼號聲厲。是東風。  
瓊雷終歲東風浮海者不候風而候潮

渡海四十韻

大海過中秋。此景未試嘗。  
竒遊冠平生。九死庸何傷。  
雷瓊相去路。遠近皆荒唐。  
洪波淼無際。里數誰能量。  
海氛特怪異。終古東風狂。  
風東水西

湧夾舟。猛相當。截流南北行。  
捩舵操主。張稍遲。潮欲落水。  
柔風力剛瀉。入交趾。海弱水無浮。  
航我來八月望。開帆凌渺茫。  
帆開目盡閉。一望神魂亡。  
半天舞青山。當頭壓桅檣。  
輕舟裊虛空。頃刻變低昂。  
忽墮陷井底。忽騰逼穹蒼。  
其聲雷砢礧。其色血玄黃。  
舟中無定身。觸物抱持忙。  
卧則掀之起。坐則蹴之僵。  
各以繩自縛。手足交措撐。  
叶榜人大哀號。潮退風愈強。  
舟去不可挽。魚腹吾北邙。  
又聞犬歡呼。已可保無妨。  
拋貓得淺洲。

舟傳海中央。水止五十丈。深如貓綆長。吾生委  
大化。喜懼心兩忘。飢絕炊爨理。相顧面帶霜。斜  
睇見鴟夷。貯酒在我傍。取勢捧以吸。亦足和空  
腸。未幾紅日沒。白毫起東方。萬月滾驚浪。奔馳  
裂金光。蓬窗透碎影。急電流衣裳。強出仰頭看。  
星斗森成行。下動上自靜。覆載改其常。嫦娥殊  
不慈。坐視我恐惶。想見平地人。幾處歌舞場。明  
晨潮又上。貓起帆飛揚。抵暮見瓊山。一髮船頭  
橫。叶再宿稍安穩。崩濤類康莊。震盪三晝夜。始

得達海邦。叶不眠不食飲。去死爭毫芒。問我何  
為者。奔波賣文章。

瓊州雜詩五首

地外更有地。瓊州隔九州。波濤圍廣土。阡陌見

平疇。全粵地多險仄。至瓊始見平壤。浮粟甘千室。瓊水皆鹹。一郡俱汲。浮粟泉東坡所鑿。沈香

價一牛。牛一頭易沈香。一塊大小視之。氣昏開霽少。北客畏窮秋。

四州環作鎮。崖詹萬。統於瓊。五指矗其中。五指山。高百里。黎女花為

體。黎女將嫁。刺花滿其身。搖丁竹作弓。檳榔供菽粟。海南五穀不生。米麥皆以檳榔

易之蛟蜃等魚蟲。南去更千里。崖山大地終



動植皆殊狀變方別有天柑黃長類枕蓮碧小  
如錢得酒江鱸嫩經風石蟹堅羅生饒瑣細莫  
考景純箋

所見雖非妄傳聞尚可疑和羹惟汲水

海水即鹽不待熬煮

種樹盡無枝

木皆直上無枝本細而堅撼之不動

鼇目金輪湧

志載前明世宗時夜半忽光同

白晝居民莫曉其故後有海賈云是夕鼇魚現兩目大於月輪

鯨鬚赤幟馳

坡公謫僊時有客泛海訪之遙見紅旗連

且數十百里其行如飛疑為海寇舟人云此鯨魚鬚也

居人恬怪事翻笑此何奇

海山靈氣積相繼偉人生孫子衣冠盡蒸嘗禮

數輕

丘文莊海忠介祠宇僅存後人衰微殆盡

姦偷成習俗誦讀止虛名若

用捐之議吾應無此行

漢賈捐之議棄珠崖

### 再渡海

自北而南三晝夜未遭厄難飽驚怕自南而北  
止終朝已分必死不可逃重九節過風色惡艤  
舟十日沙頭泊二十放舟六舟俱一舟先見吞  
舟魚舟人劉臂滴鮮血稽顙禱顛倏焉沒帆高  
舟去急於箭迴望瓊山遠不見愁雲蔽海狂風  
來猛浪撞擊蓬窗開淋頭潑面一而再舟中貯  
水幾滿載水鹹凝鹽漬皮毛痛心骨髓劇火燒

已知求生非吾事願餉飢鯨作布施突有青雀  
鳴檣頭赤蛇兩角繞我舟舟浮水面僅餘尺隨  
波上下久不溺吾形雖苦神不知一靈閒暇將  
他之忽然張目大驚異隱隱天邊黑者地黃昏  
直達徐聞口吾身竟復爲吾有四舟獲濟二舟  
壞三百人餘二人在兩人抱木浮水  
兩日夜抵北岸學者渡海可試  
心伯淳之語徵於今若遂沈海亡其身試心之  
學問水濱

寄賜谷南交兩許子

嶺南物產甲天下尋常動植皆殊形潮陽臘月  
飛燕子桂花元夕開羊城木棉如毳榕如繖佛  
桑如血紅無情樹蘭香濃紫蘭薄大丹鷓翅皆  
雙莖鐵蕉堅挺鳳凰尾石粟瑣碎鶴鷄晴荔枝  
風味果絕世日啖百顆我亦能龍眼呼奴不爲  
屈不如金橘黃柑橙波羅蜜狀類刺蝟其巨如  
甕腹彭亨檸檬檳棗赤闇黑桄榔澀勒森縱橫  
青鸞孔雀仙家鳥不知何自來蓬瀛玄猿如漆  
不盈尺綠毛玄鳳雛於鶯海南珍禽五色雀文

彩歷錄如瓊瑛羅浮蛺蝶端江螺巧樣刻劃繡  
不成其他凡品多莫記大都畜眼見未曾頗思  
攜歸示鄉黨無術縮此萬里程平生手拙不知  
畫詠詩肖物難分明對此慨然憶吾友高陽才  
子弟與兄難兄詩入曰暘谷作詩出手宮商鳴  
神針製錦密無縫雕繪萬象同寫生其弟南交  
畫花鳥花有香影鳥有聲偶然點染見新意筆  
端躍出天機精安得致此兩許子左羅楮墨右  
丹青暘谷賦詩南交畫百蠻風景收吳綾不須

退之更作記展卷指點知其名

廣州王將軍贈鑲鐵寶刀賦謝

銳頭將軍印如斗結交肝膽眼前剖謂我書生  
氣亦豪招邀良夜陳盃酒酒半呼童取寶刀拔  
鞘隱隱蛟龍吼寒冰一道白毫飛散爲急電騰  
空走我起把翫頻驚嗟何意人間見鑲鉅將軍  
言此手親鑄大食日本徒虛誇生鐵千斤入爐  
火鍛鍊透體紅於霞萬椎橐索交加下鐵剌  
落如瘡痂千斤鑲盡一斤在渣滓畢去留精華

巧工範作三尺雪用以殺賊如薙麻譬如仙家  
鍊金骨肥皮厚肉皆凡質九轉候足化為灰不  
壞真身此中出神物端賴人功成此理薛燭辨  
甚明要我賦詩贈我行入手四顧英風生

留別鐵樵觀察三十韻

先生生濟南賤子居吳閭夙昔無半面傾蓋出  
肺腸率真任古道機變心盡忘不求虞翻媚兼  
恕羅友狂先生乘使車南粵司文章以我爲權  
衡辨析窮毫芒有時論不合旗鼓屹相當先生

顧而笑兩可亦何傷我終不可下持理非好剛  
久久乃領首更信我說長千言無一違馳驅聽  
王良得暇共唱酬夏擊諧宮商手自寫我詩寶  
惜如珪璋百蠻煙瘴裏追隨換星霜浮舟過大  
海白浪襄帆樯生死且共之投分豈尋常自惟  
骯髒身放蕩翰墨場才微而骨鯁入世不自量  
血性忤權貴讒毀叢刀槍何期天壤間知己逢  
襄陽先生排衆口躋我於班揚此語或遭罵使  
我陋彌彰不如以默勝相對盡一觴北風飛黃

葉遊子懷高堂我去先生留萬里遙相望臨岐  
效愚忠宦途少康莊先生雖健飯鬢髮頗已蒼  
王事屈瓜期珍重謀歸裝我身輕於鳥長空恣  
翱翔貧賤無星礙計程達故鄉

撫雲集卷五

